

# ლიტერატურული გაზეთი

№61 28 ოქტომბერი - 10 ნოემბერი 2011

ბამონის ორ კვირაში ერთხელ, პარასკეობით

ფასი 50 თეთრი



Tamta Melashvili



Aka Morchiladze



Nostan Kvinkadze



Ana Kordzaia-Samadashvili



Zaza Burchuladze



Zurab Lozhava



Dato Turashvili



Maka Mikeladze



## HAVE A LOOK AT GEORGIA

შეხედე საქართველოს — Have a Look at Georgia — ამ სლოგანით 2011 წლის ოქტომბერში ფრანკფურტის წიგნის საერთაშორისო ბაზრობაზე საქართველო სრულიად ახალი და საინტერესო პროგრამით წარსდგა. ქართველმა მწერლებმა და გამომცემლებმა ფესტივალის გახსნის პირველსავე დღეს საქართველო და ქართული ლიტერატურა ყურადღების ცენტრში მოაქციეს და ფრანკფურტის ბაზრობის ორ სპეციალურ ფორმატში მიიღეს მონაწილეობა.

### მედეა მეტრეველი

გიორგი ლეონიძის სახელობის ლიტერატურის მუზეუმის დირექტორმა ლაშა ბაქრაძემ და ხუთმა ქართველმა მწერალმა უცხოელ გამომცემლებსა და ლიტერატურის აგენტებთან დიალოგი გამართეს. ფრანკფურტის წიგნის საერთაშორისო ბაზრობის ფორუმ დიალოგის ფორმატში მონაწილეობა საშუალებას აძლევს ნებისმიერ ქვეყანას, თავისი მწერლები და ლიტერატურა უკეთ გააცნოს უცხოელ მკითხველსა და გამომცემლებს. ლაშა ბაქრაძემ, ქართული ლიტერატურის მოკლე მიმოხილვის შემდეგ, დამსწრე საზოგადოებას თამთა მელაშვილი, აკა მორჩილაძე, დათო ტურაშვილი, ზაზა ბურჭულაძე და ანა კორძაია-სამადაშვილი წარუდგინა. შეხვედრა ინტერაქტიულად წარიმართა, დისკუსიაში უცხოელ სტუმრებთან ერთად საქართველოს საგანგებო და სრულფუნქციონარ ელჩმა გერმანიის ფედერაციულ რესპუბლიკაში გაბრიელა ფონ ჰაფსბურგმაც მიიღო მონაწილეობა.

საქართველოს პროგრამის მთავარმა ნაწილმა — პრეზენტაციამ „Have a Look at Georgia“ — მოგვიანებით უკვე ჩვენი ქვეყნის ეროვნულ სტენდთან გადაინაცვლა. ფრანკფურტის წიგნის ბაზრობის ერთ-ერთ მნიშვნელოვან ღონისძიებაში საქართველოს მონაწილეობის სურვილი თავად ფრანკფურტის წიგნის ბაზრობის ხელმძღვანელობამ გამოთქვა, რაც კიდევ ერთხელ მიუთითებს ქართული კულტურისა და ლიტერატურის მიმართ გერმანიისა და, ზოგადად,

დასავლეთის ინტერესზე. ბაზრობის დირექტორმა იურგენ ბოსმა ერთმნიშვნელოვნად აღნიშნა, თუ როგორ ეამაყება ფრანკფურტის წიგნის ბაზრობაზე ქართული დელეგაციისა და, მათ შორის, რვა ქართველი ავტორის სტუმრობა. მისი აზრით, აღნიშნული ბაზრობა მწერლებისა და გამომცემლების შეხვედრის საუკეთესო ადგილია და ნებისმიერი ქვეყნისთვის უნიკალური შანსია, საკუთარი ლიტერატურა და კულტურა პოპულარული გახადოს.

პრეზენტაციამ — „Have a Look at Georgia“ — საქართველოს სტენდის გარშემო მრავალი უცხოელი გამომცემელი თუ დამთვალიერებელი გააერთიანა. ამ ფორმატისთვის საქართველოს კულტურისა და ძეგლთა დაცვის სამინისტრო და საქართველოს გამომცემელთა და გამავრცელებელთა ასოციაცია საგანგებოდ მოემზადა. ათამდე ქართველი გამომცემლისა და რვა ქართველი ავტორის საერთო პრეზენტაციამ უცხოური აუდიტორიის დიდი ინტერესი და მონონება დაიმსახურა. ქართულ სინამდვილეში პირველად ფრანკფურტის წიგნის საერთაშორისო ბაზრობისთვის საქართველოს კულტურისა და ძეგლთა დაცვის სამინისტროს ინიციატივით დაიბეჭდა კატალოგები საქართველოში საგამომცემლო საქმიანობისა და ქართველი ავტორებისა და მათი ნაწარმოებების წარდგინებით, ასევე სანიშნე-სუვენირები და სათვალის ფორმის USB ფლეშ მატარებლები, რომლებიც სპეციალურად წიგნის ბაზრობისთვის ჩინეთში დამზადდა.

II-III

ტარიელ ჭანტურია

ჭკვიანი რითმების  
ლექსიკონიდან

III

მამუკა ნიკლაური

ერთ ცრემლში  
გამომწყვდულა

IV-V

გურამ დოჩანაშვილი

კაცი,  
სახელად ნოე

VI-VII

ნუგზარ ზაზანაშვილი

შვილიშვილს

VIII

ნინო სადლობელაშვილი

ცისფერი  
პერანგი

IX

მარიამ ნიკლაური

ზღაპარი სამყაროსა  
და ერთ გაჭიაზა

X-XI

ინტარვიუ

შოთა იათაშვილთან

XII

ინტარვიუ

კახა ჯამბურასთან

XIII

ჯარჯი ფხოველი

ხელის-გულის  
ანაბეჭდები

XV





# HAVE A LOOK AT GEORGIA



პრეზენტაცია — „შეხვედ საქართველოს“ — „ბაკურ სულაკაურის გამომცემლობის“ დირექტორმა თინა მამულაშვილმა გახსნა და, საქართველოში საგამომცემლო სფეროს მიმოხილვის შემდეგ, უცხოელ სტუმრებს რვა ქართველი ავტორი (ზურა ლეჟავა, ნესტან კვინიტაძე, მაკა მიქელაძე, თამთა მელაშვილი, აკა მორჩილაძე, დათო ტურაშვილი, ზაზა ბურჭულაძე და ანა კორძაია-სამადაშვილი) და ქართველი გამომცემლები გააცნო. დამსწრე საზოგადოებას საქართველოს კულტურისა და ძეგლთა დაცვის მინისტრმა ნიკოლოზ რურუამაც მიმართა და თავის გამოსვლაში სამინისტროს ფარგლებში მოქმედი წიგნისა და ლიტერატურის ხელშეწყობის პროგრამის შესახებ ისაუბრა. პრეზენტაციის მსვლელობისას მწერლებმა სლოგანით „მე ვარ ქართველი. მე ვწერ მსოფლიოსთვის“ (I am Georgian. I write for the world) ერთგვარი პერფორმანსი წარმოადგინეს. პრეზენტაციას დაესწრნენ ფრანკფურტის საერთაშორისო წიგნის ბაზრობის ვიცე პრეზიდენტი ტობიას ვოსი და ლაიფციგის წიგნის ბაზრობის დირექტორი ოლივერ ცილე.

რომელიც ქართული ლიტერატურის აგენტია გერმანულენოვან ბაზარზე. წიგნი თებერვალში გამოვა და, სავარაუდოდ, მარტში ლაიფციგის ბაზრობაზე იქნება წარდგენილი.

მეორე ქართველი ავტორი, რომლითაც იტალიური გამომცემლობა Nikita Editore დაინტერესდა, აკა მორჩილაძეა. მომავალ წელს გამომცემლობა აკა მორჩილაძის რომანის — „მოგზაურობა ყარაბაღში“ — გამოცემას აპირებს.

მოლაპარაკებები სხვა ქართველ ავტორებსა და მათ გამომცემლებთანაც მიმდინარეობს და კონკრეტულ შედეგებს უახლოესი მომავალი გვიჩვენებს.

ქართული დელეგაცია საქართველოს კულტურისა და ძეგლთა დაცვის მინისტრის ნიკოლოზ რურუას ხელმძღვანელობით ფრანკფურტიდან კონკრეტული ამოცანებითა და სამომავლო გეგმით დაბრუნდა. „2015 წელს საქართველოს რეალურად ეძლევა საშუალება, გახდეს ფრანკფურტის საერთაშორისო წიგნის ბაზრობის საპატიო სტუმარი ქვეყანა, ეს კი ნებისმიერი სახელმწიფოსთვის უნიკალური შანსია, დანარჩენ მსოფლიოს არა მხოლოდ საკუთარი ლიტერატურა, არამედ ისტორია და კულტურაც გააცნოს. საქართველოს კულტურისა და ძეგლთა დაცვის სამინისტრო, ქართული ლიტერატურის უცხო ენებზე თარგმნის კუთხით, ძალისხმევას არ დაიშურებს და საზღვარგარეთ ქართველი ავტორებისა და მათი ნაწარმოებების პოპულარიზაციას მაქსიმალურად შეუწყობს ხელს“, — აღნიშნა საქართველოს კულტურისა და ძეგლთა დაცვის მინისტრმა ნიკოლოზ რურუამ.

უკვე რამდენიმე წელია, სამინისტროში ფუნქციონირებს „ქართული წიგნისა და ლიტერატურის ხელშეწყობის“ პროგრამა, რომლის ერთ-ერთი პრიორიტეტი








სწორედ ქართული ლიტერატურის თარგმნის ხელშეწყობაა. უცხოელი გამომცემლობებისთვის გამოცხადებული მთარგმნელობითი კონკურსის ფარგლებში 2010-2011 წლებში რამდენიმე პროექტი განხორციელდა. საქართველოს კულტურისა და ძეგლთა დაცვის სამინისტრო იმედოვნებს, რომ წლებიდან ფრანკფურტის წიგნის ბაზრობაზე გამართული პრეზენტაციები და შეხვედრები შედეგს გამოიღებს და უცხოელი გამომცემლების ინტერესი ქართული ლიტერატურის მიმართ უფრო მეტად გაიზრდება და, შესაბამისად, უფრო მეტი უცხოელი გამომცემლობის პროექტი მიიღებს მონაწილეობას სამინისტროს მიერ გამოცხადებულ მთარგმნელობით კონკურსში.

საქართველოს კულტურისა და ძეგლთა დაცვის სამინისტროს ინიციატივითა და მხარდაჭერით, ქართული წიგნისა და ლიტერატურის პოპულარიზაციის მიმართული პროექტით, მნიშვნელოვანი პროექტი 2012 წლის მარტში განხორციელდება. ამ წელს საქართველო ეროვნული სტენდით პირველად წარსდგება ლაიფციგის წიგნის ბაზრობაზე. უკვე მიმდინარეობს მოლაპარაკებები ქართველი ავტორებისთვის გერმანულ მკითხველსა და გამომცემლებთან შეხვედრების გამართვის თაობაზე.

2011 წლის ფრანკფურტის წიგნის საერთაშორისო ბაზრობის საპატიო სტუმარი ქვეყანა ისლანდია იყო. ქვეყანა, რომლის მოსახლეობა 320 000 შეადგენს, 38 მწერლითა და 300-მდე კულტურული ღონისძიებით წარსდგა ფრანკფურტში. მომავალ წლებში ფრანკფურტში საპატიო სტუმრებად ახალ ზელანდიას, ბრაზილიას და ფინეთს ელოდებიან. 2015 წელს ეს შესაძლებლობა საქართველოსაც მიეცემა, ეს კი მართლაც დიდი გამოწვევა და პასუხისმგებლობაა, რომელსაც კარგად აცნობიერებენ როგორც ქართველი მწერლები და გამომცემლები, ისე — სახელმწიფო. ის ფაქტი, რომ მთელი წლის განმავლობაში საქართველო ევროპის ერთ-ერთი მნიშვნელოვანი ქვეყნის — გერმანიის — ყურადღების ცენტრში მოექცევა, კიდევ ერთხელ მიუთითებს ქართული კულტურისა და, ზოგადად, საქართველოს მიმართ დასაველეთის დიდ ინტერესზე.



ტარიელ ჭანტურია

ჭკვიანი რითმების ლექსიკონიდან

დასაწყისი №60

მკარდი - კარტი

ჩინოვანი - ჩუქურთმა

ვაჟკაცი - ვაჟკანსკი

ეს რითმა სუბიექტური ხედვის ნაყოფი უფროა, როგორც ჩანს. პირადად მე, ჩინოვანი ქვაბშიც და თეფშზეც, უფრო სწორედ, მისი ზედაპირი, ნამდვილად მაგონებს ჩუქურთმით მოქარგულ კედელს. თქვენ? ამის შესამოწმებლად საჭირო იქნება, კიდევ ერთხელ დახედოთ ამ თვალთ ჩინოვანს! მანამდე კი უბრალოდ მენდეთ!

ვაშკანსკი პირველი პაციენტია, რომელიც სავადადმყოფო „ხროტე სხიური-ში“ განთქმულ დასტაქარს ქრისტიან ბერნარდს გულის გადანერგვის ოპერაციაზე დათანხმდა. დამეთანხმებით, ვაშკანსკი - ვაჟკაცია.

ტატიჩარი - ტუჩაბი

ასაც კანია, ისაც კანია ჩვენი მანია პლინეცკანია

არავითარი ჭკუა არ მოეკითხებოდა ამ რითმას, ინგლისის პრემიერ-მინისტრი რომ კაცი იყოს! მაგრამ „ტუჩები“ თითქოს უთუოდ და მხოლოდ და მხოლოდ ქალურობის ატრიბუტია! ამაში იქნებ კლასიკური, განსაკუთრებით კი აღმოსავლური პოეზიაც იყოს „დამნაშავე!“

თუმცა მთლად ჭკუის კოლოფი არაა ეს რითმა, ყოველშემთხვევაში, არც სულელი!

ვერ კლავი - კვერცხავი

ღანა - ღენა

ალბათ - სისხლისო.

ჭამეო, ალბათ. არა მარტო უცოლო და მარტოხელა მამაკაცების, სტუდენტების, მოჩქარე თეატრალებისა და სხვათათვის, არამედ საერთოდ არის ყველაზე იოლი და ხელმისაწვდომი კერძი ტაფამწვარი! — არავითარი განსაკუთრებული კულინარული ხელოვნება არ სჭირდება მის მომზადებას! ესეც იგულისხმბა, როგორც ჩანს, რითმამ.

სტალინის - ტალონი

ომის ასოციაცია.

კაცნი - კოცნა

სოხუმი - ბოხუმი

ვერ დავიჯერებ, თითქოს ცხოველფრინველთა მიაღერება კოცნა იყოს. კოცნა მხოლოდ ადამიანთა ჩვევაა! სხვათა შორის, კარგი ჩვევა!

მდინარეების დარად, ქალაქებსაც აქვთ ერთმანეთთან შეხვედრის სურვილი, მაგრამ თუ მდინარეებს ამ მხრივ მიზერული შანსი მაინც აქვთ, ქალაქებს შეხვედრა არა და არ უწერიათ.

რითმა ერთადერთი „ადგილია“, სადაც ზოგიერთი ქალაქი მაინც ხვდება „კოლეგას“.

არმინ ჰარი - არმინ ქარი

მაიკლი - მაიკლა

არმინ ჰარი სპრინტერია - მსოფლიოს ექსრეკორდსმენი ას მეტრზე სირბილში! მან პირველმა გაიბრინა ეს დისტანცია მართლაც ქარის სისწრაფით!

მაიკლისა და მისი საყვარელი ქალის - ელვირა ბარნეის გახმაურებული სასამართლო საქმე ინგლისში, 1932 წელს. ელვირას საყვარლის მკვლელობა ბრალდებოდა, ის კი ირწმუნებოდა, მაიკლა... თავი მაიკლაო.

სხვათა შორის, ამგვარი რითმების დასახასიათებლად, გარდა სიტყვა „ჭკვიანისა“, ალბათ სიტყვა „ლოგიკურიც“ ივარგებდა!

რუსი ერი - უსიერი

უსიერი ტყეების პატრონიცაა რუსი ერი!

ბელათი - კელაპტრით

ჩათვრიანი - ჩათვრნა

აქ დუმილი ჯობს.

ჯაზირი - ვაზირი

გახსოვთ ალბათ: ჯაზირი ვაზირთა უხუცესია „ამირან დარეჯანიანში“.

საცავი - სიცივი

არ შეიძლება, საცავში ცხელოდეს.

ვერდი - ვარდი

გასაკვირი ის იქნებოდა, ვერდი ნებს ან ჭინჭარს გართმევოდა.

ფრანის - ფრანის

„ფრანის“ რითმად „ცოცვა“ ნამდვილად არ გამოდგება.

აპარატი - ლაპარაკი

თუმცა აპარატი ბევრნაირია, აპარატი, რომ იტყვიან, ჯერ ტელეფონის აპარატი წარმოგვიდგება თვალწინ. ამის მეტი „საბუთი“, ამ რითმის მამტიციცებელი, არა მაქვს.

კუპი - კოპი

ჯეიმს კუპმა მსოფლიო ხომალდით შემოიარა. ცხადია, მასთან იყო გემის მზარეული - კოპი.

უცოლოვა - უქილოვა

ღუმილით - ღამალათ

რითმა, თავისი მხრივ ყველაფერს აკეთებს, რომ ჩემს ზოგიერთ ძმაცაც ცოლის შერთვა აფიქრებინოს. ესეც ჭკვიანი რითმაა, ყოველ შემთხვევაში, უცოლოვებზე ჭკვიანი მაინც.

ღუმილით იოლია აზრის, ფიქრის, განწყობილების დამალვა.

გაგრძელება იქნება





მამუკა წიკალური

ერთ ცრემლში გამომწყვედულა ბედ-უბედობის ტრიალი,

მზის ამოსვლის და მზის ჩასვლის მუდმივი იალ-კიალი.
...
უეცრად მოხდა ჩემი წასვლა, შენი დარჩენა –
გულმა არ მკითხა, სად მიდიოდა,
ფრთებმა არ მკითხეს, სად მიფრინავდნენ,
ქარმა არ მკითხა, საით მიყვავდი...
და ახლა, ჟამის ჩალობვის და ჩაკეტვის შემდეგ,
მინის რღვევის და ზეცის მსხვრევის შემდეგ ვკითხულობ:
— ნეტავ, რა ძალამ შეაერთა ჩვენი სულები,
რომ მისმა რღვევამ ცის დარღვევა გამოიწვია?!
— ნეტავ, სად გაქრა მზე, რომელმაც აღმოსავლეთი
თავდავინწყებით ამოსჭრა და ამოანგრია?!
...
ერთ ცრემლში გამომწყვედულა ბედ-უბედობის ტრიალი,

— აი, იმ ვარსკვლავს რა დავარქვითო? –
მკითხა სალომემ ერთ კაშკაშა, ლამაზ ვარსკვლავზე.
— მაგას სალომეს დავარქმევ-მეთქი.
— არა, ეგეთი ვარსკვლავები და ყვავილები,
ჩირალდნებივით რომ ბრიალებენ, – მე არ მიყვარსო, –
მითხრა სალომემ, –
ვარსკვლავი მორცხვად მოციმციმე უნდა იყოსო.
მე ჩემზე დავდექ: – ეგ სახელი უხდება-მეთქი,
რადგან ყველაზე ლამაზი და თეთრია-მეთქი.
...მე, ახლაც, როცა ვარსკვლავიან ზეცას გაყურებ,
იმ ვარსკვლავს ვეძებ, ვპოულობ და ველარ ვეხსენები –
ცა ჩემთვის სულაც ის ვარსკვლავია,
იმას უპყრია ცისიერი სამყარო ხელით.
...იმ აყვავებულ, მობრიალ ვარსკვლავის ახლოს
ერთი ფერმკრთალი და საწყალი ვარსკვლავიცაა –
სხვაგან არ მიდის,
სულ დიდ ვარსკვლავს შემოსტრიალებს –
და... რა თქმა უნდა, ის საწყალი ვარსკვლავი მე ვარ...

სიმღერა

არცა ლოცვამ ქმნა საქმნელი,
არც – თვალზე ცრემლის დენამა,
გული დაფლითა სიკვდილის
უეცრივ ამოჩენამა,
დუმაცხოს სასაფლაოდან
ნისლების გადმოდენამა.

კვდებოდნენ, მაგრამ სახეზე
მაინც სიცოცხლე ეფინათ,
ვერ ნააქცია სიკვდილმა,
ბეჭი ვერ დაადებინა,
მარჯვენა ხელში ნაჭერი
ყანნი ვერ გააგდებინა.

ყველას უნდა, რომ დავჯდე და
იმათთან ვალამ-ვათენო –
თავის ამბავი მიაბზონ,
თავის ჭრილობა მაჩვენონ,
მეც უარს ვერ ვეუბნები,
გზას ველარ ვიგნებ საჩემოს.

ბურსაჭილს გიგო მეძახის,
ხელს ნატყვიარზე იღირებს;
კიტოხში ხეწო-ადამი
სად მიდიხარო?! — მიყვირებს;
მაქართას შიოს აჩრდილი
კლდეზე შედგება ჯიხვივით...

გუშინ კი ხელი ავუკარ
მაგათ ჭრილობა-იარებს,
დავჯექ ძმა-ბიძაშვილებში,
დევივით ვცლიდი ფიალებს,
დავთვერ და გუდამაყარი
სულ მღერით გამოვიარე.

ნათლობა

როგორ გვიყვარდა ჩვენ ეს თამაში! —
ვისხედით მე და სალომე ბანზე,
ცას გაყურებდით და ვნათლავდით
ლამაზ ვარსკვლავებს.
ერთხელ სალომემ „სასწორანი“ ასე მონათლა:
— შუა ვარსკვლავი ჩემი დედა, მზევინარია,
იქით-აქეთ კი მე და ჩვენი ანანო ვართო.
ლამაზი იყო ამ დროს სალომე –
ციდან მოსული, ცისფერი ქალი,
ვარსკვლავებით და მთვარის შუქით შემობურვილი...

მზა ყველასია, მთვარე კი – ჩემი

შუალამეა. დიდი მთვარე დგას შუა ცაზე.
მენატრებოდა და ამოცურდა,
ამოლივლივდა, იის სუნი ამოაფრქვია,
სალომეს სუნთქვა და სითეთრე ჩამომათოვა...
ზოგჯერ ამბობენ: – უკვე დაბერდა,
მთვარე დიდი ხნის მნათობიაო.
მე კი მგონია, ჩვენ, სამივე ერთ ღამეს გავჩნდით –
მე, სალომე და მთვარე ერთად დავიბადენით
და მაღალ ცაზე ერთ სინათლედ ამოგჩახჩახდით...
...ერთხელ სალომე მტაცებელმა ქარმა ნაილო,
მე და მთვარელა შევრჩით ერთმანეთს –
ერთად ვტიროდით გადამქრალ ქალზე,
ერთად ვფიქრობდით მტაცებელ ქარზე;
ერთად გვციოდა, ერთად გვტიოდა
და მწარე ქარი დაუნდობლად შემოგვგნოდა.
...ახლა ეგ მთვარე ჩემი მთვარეა,
როცა ამოდის, ჩემთვის ამოდის.
მზე ყველასია – მზეს ფიქრისთვის არა სცალია,
სიყვარულისთვის, სიყვარულის ტკივილებისთვის
მზეს არ სცალია.
მზე ბადით ხელში გამოსული მეზადურია,
მხვენელ-მთესველია, მჭედელი და მშენებელია...
მზე ყველასია, მთვარე კი – ჩემი.
ეგ მთვარე ჩემი ტკივილების ზღვიდან ამოდის –
ზოგჯერ მგონია, რომ სალომეს სასაფლაოა.

ყორანი

— ვერ ეღირსები, ყორანო, დასჭამო ჩემი მკლავები,
ამაოდ მითვლი მუქარას უფსკრულში დასაფლავებით,
შე შავო, შავი კლდის შვილო, თვალში რად გეცოტავები?!
...
შორიდან მომდევს, გზას ინათებს შავი სინათლით
და შავი ფრთებით შავ ღამეებს მოაფრიალებს.
მოდის, მოცურავს ჰაერის ზღვებზე,
შავ ლექსებს ამბობს, შავ სიმღერებს მოატივტივებს;
სულ სიკვდილზე და სულ სისხლზე მღერის –
მღეროდა, როცა აირია სისხლი და წყალი,
როცა ღრუბელი მზიან დღეებს ასაფლავებდა;
მღეროდა, როცა ჩემს ქალაქში ომი დაძრწოდა
და გაცოფებულ ძაღლებივით მიღრენდნენ მტრები.
შორიდან მომდევს. სათავისო ნამს ელოდება,
რომ დამიმიზნოს შავი მზერა – შავი ისარი;
ხოლო მე, ყორნის დასაფრთხობად, დასაშინებლად
ჩემივე ხალხის გაუცვეთელ სიმღერას ვმღერი:

— ვერ ეღირსები, ყორანო, დასჭამო ჩემი მკლავები,
ამაოდ მითვლი მუქარას უფსკრულში დასაფლავებით,
შე შავო, შავი კლდის შვილო, თვალში რად გეცოტავები?!

გამოთხოვების ბარათი

ერთ დროს ბედნიერ კაცად ითვლებოდა.
მასწავლებლების ოჯახი იყო.
ოთხი ქალ-ვაჟი იზრდებოდა იმის კერაზე.
ბოლოს კი ბედმა დაუღრინა და მის დიდ სახლში
პაპა და ერთი შვილიშვილი – ორნილა დარჩნენ.
...მაგრამ ებევრა ბედისწერას ეს ორი სულიც
და ყელჭირვებით დაიღუპა შვიდი წლის ბიჭი.
მეორე დღეს კი ბერიკაცმა თავი მოიკლა
და ეს ბარათი დაუტოვა თავის ახლობლებს:
„— გამიგეთ და მაპატიეთ;
ვიცი, ცოდვიან გზას დავადექი,
მაგრამ ვერ შევძელ, ეშმაკისთვის უარი მეთქვა,
თუმცა... ეშმაკსაც სულყველაფერს ნუ დააბრალებთ;
ჩემს ბიჭს მინაში მარტოდმარტოს ვერ ჩავგზავნიდი –
იმ სიბნელეში შიშისაგან შეიშლებოდა
და გადავწყვიტე, თან გავყოლოდი...
ერთად დავგმარხეთ.“
...ასე განსაჯეთ, ისე განსაჯეთ...
მე კი... იმ მოხუცს ვესარჩლები, ღმერთს ვევედრები –
თავზარდამცემი სიყვარული შეუნდოს ღმერთმა!..

ისა მიყვარხარ, მე ჩემს თავში დავიღუპები

...ზეცა ადულდა.
მზე თავს იკლავს,
მზე იღუპება,
მზე თავისთავში, მზე მზეშივე დაიღუპება.
ისე მიყვარხარ,
მეც ჩემს თავში დავიღუპები.
...ისე ჰქუხს თერგი
და კლდეებზე ისე ეცემა,
ვერ გადარჩება, ამ კლდეებში დაიღუპება,
ვერ გადარჩება, ვერ გააღწევს დარიალიდან.
ისე მიყვარხარ, ვერ გავაღწევ ამ დულილიდან,
მეც ჩემს ტკივილში, მეც ჩემს თავში დავიღუპები...

დაისვენოს გაბრიელმა, დამინდეს

ნუ გაიღვიძებ, უღმობელო მესხიერებავ,
იმ აჩრდილებს და მოჩვენებებს ნუ გააღვიძებ!
დაიძინოს გაბრიელმა, დაისვენოს, დამინდეს!
ეძინოს, ნულარ დანახავს – ადამიანებს
როგორ ღებავენ ეშმაკეულ სამღებროებში;
ეძინოს, ნულარ შეესწრება სიმართლის კვდომას –
ჯერ ცას რომ არღვევს ვულკანური გამძვინვარებით
და მერე მინას ეხეთქება მოკლულ ლომივით.
ეძინოს, ნულარ გააღვიძებთ, ნუ წამოუშლით
კბილებალესილ ფიქრებს და ქარებს,
მაგათ გამოხრეს გაბრიელის დღე-ღამეები,
მაგის ძვლებიდან ისმის მქისე ამოკვნესება –
ახლა რომ რკინის ისარივით ამოსვივლდა...
მკვდარიც კი კენესის...
დაიძინოს გაბრიელმა, დაისვენოს, დამინდეს!
უკან ნულარ მოიხედავს, ნავიდეს,
აქედან იქით მიმავალი გეზით იაროს,
იაროს ალთქმულ შავეთისკენ – საიქიოსკენ,
ამ ჯოჯოხეთში ნულარ მოვა, ნუ მობრუნდება,
იმ ჯოჯოხეთში დაასვენოს ნატანჯი სული...

აკრძალულნი ვართ!

გესლში ნანრთობ მახვილივით მოიქნის ჭორი.
აშმორებულ ენებიდან გადმოგვამხეს შმორი.
ჩვენს სახელებს დაესია ყორანი და ქორი.
...
ეს სიყვარული გაზაფხულს არ ამოჰყოლია,
ენძელასავით, იასავით არ ამოსულა,
ის ყორნებს მოჰყვა შავი კლდიდან ჩამოფრენილებს;
ეს სიყვარული სიყვარულის გზით არ მოსულა,
ის ნგრევით, მსხვრევით, გუგუნით და ბორგვით მოვიდა
და მინის მკერდი ვულკანივით ამოანგრია.
ჩვენი ქარები და წვიმები დააპატიმრეს
და ურდულებით გადაკეტეს დილეგის კარი.
და ჩვენი გზებიც გადაკეტეს საკეტურებით.
დღეს ჩვენს ცხოვრებას თავის სახელს თუკი დავარქმევთ,
„აკრძალვა“ ჰქვია.
სადაც გულს უნდა წასვლა – კრძალავენ.
სადაც თვალს უნდა წასვლა – კრძალავენ.
სადაც ფიქრს უნდა წასვლა – კრძალავენ.
აკრძალულნი ვართ ერთმანეთისთვის,
ჩვენი ხელები ერთმანეთს ვერ ჩაეხლართება,
ჩვენი თვლები ვერ შეერწყმის ერთმანეთს, რადგან
უამი აჯანყდა, გაგვრიცა და აგვითვალწუნა.
...
გესლში ნანრთობ მახვილივით მოიქნის ჭორი.



**ლოდინის ქალი**

ის სულ ელოდა... ლოდინში მოკვდა.  
 ...ის სულ ელოდა, როგორც მთები ელოდებიან  
 თოვლის დნობას და ჩანჩქერების გამოღვიძლებას.  
 ელოდა, როგორც წეროები ელოდებიან  
 აპრილის გრგვინვას.  
 ელოდა, მაგრამ არ იცოდა, ვის მოელოდა  
 და ერთხელაც კი არ უკითხავს:  
 — ვის ველოდები?!  
 — ნეტავ, ვინ უნდა მოსულიყო და არ მოვიდა?!  
 მან არც იცოდა, რომ გაზაფხულის  
 პირველ ელვას და პირველ ქუხილს ელოდებოდა,  
 სასწაულების მაუნყებელ მაცნეს ელოდა;  
 ჟღალი არნივის გადმოქროლებას  
 და იის სუნით დიდ დათობას ელოდებოდა.  
 ლოდინის ქალი და ლოდინის პრინცესა იყო,  
 ლოდინის კაბა თრთოდა მის ტანზე,  
 ლოდინით იყო გაჟღენთილი მისი მკლავები,  
 ლოდინით იყო გაჟღენთილი მისი თვალები  
 და ამ ლოდინით ქათქათებდა მისი მანდილი.  
 ლამაზი იყო ის ამ ლოდინით —  
 ერთი შეხედვით, რა კარგებია,  
 როცა ყვავილებს მოელიან ხატის მინდვრები! —  
 ...ის სულ ელოდა... ლოდინში მოკვდა.

**ვესაუბრები გარდაცვლილ ხევისკარს — 1993 წელი**

ადე, ზარი დარეკე,  
 ძილ-ქუშის დრო არ არი!  
 კელაპტრები ანთე,  
 გაანათე ნკვარამი!  
 ადე, ამოიძახე  
 ქვეყნის ვალალ-ვარამი.

დრო დროსგან გაირიყა,  
 აღარ ებმის ჟამი ჟამს,  
 ცით განწირულ ხეობას  
 ჟამი ხრავს და ჟამი სჭამს,  
 ადე, ნათელს ბნელისგან  
 შენი სიტყვა გამიჯნავს!

ადე, რას ჩაძირულხარ  
 მაგ ხარატულ კუბოში!  
 ყვავი ჯდება ციხეზე,  
 გველი ძვრება ლიბოში,  
 ადე, რას ჩაბილულხარ  
 მაგ ხარატულ კუბოში!

**მიდის, გვპორდებ...**

ცაში ავიდნენ კოსმონავტები,  
 მთვარეზეც შედგნენ და გაიარ-გამოიარეს...  
 როცა დაბრუნდნენ, თქვეს — უფალი არ გვინახავსო,  
 არც მის ნაკვალევს ნავწყლომივართო...

აღბათ, ღმერთი და ანგელოზთა მთელი კრებული,  
 ეს კოსმოსური ხომალდები რომ დაინახეს —  
 უფრო მაღალ და მიუწვდომელ ცაში ასახლდნენ,  
 უფრო უდაბურ ვარსკვლავებზე დაიდეს ბინა.  
 ადამიანი იქაც თუ ავა,  
 მაშინ ღმერთი და მთელი მისი ანგელოზები  
 უფრო მიუვალ ვარსკვლავებზე ამაღლდებიან.  
 რა მოასვენებს ადამიანს?! —  
 მაღლა და მაღლა მიიწევს იგი  
 და, როგორც ვხედავთ, განუწყვეტელ თანდათანობით  
 გვპორდება ღმერთი...

**სიმღერა**

— მალე მოვა გაზაფხული, —  
 თქვა ყინულის შუბის წვერზე  
 გაჩენილმა წვეთმა.

— მალე მოვა გაზაფხული, —  
 ამბობს ჩიტი და ფრენაში  
 ცეკვის ილეთს ურევს.

ღრუბლებიდან ჩამოსმა გუგუნნი:  
 — მოფრინავენ მერცხალი და გუგული!

— აღარ მოვა გაზაფხული, აღარ, —  
 ამბობ შენ და იმნაირად ჰკრთები,  
 თითქოს ცაში გაგიჩერდა ფრთები.

დიდი ვერხვი ნაქცეულა ჭალაში,  
 იერიში დაუნყიათ ქარებს,  
 რომ ზეციდან ჩამოწყვიტონ მთვარე...

**გვითხარ, უფალო!**

კვლავ გაინვილა მონამლულმა ისარმა მთებში —  
 ბერდიათ ლეოს ბიძის სისხლი აუღიაო.

...  
 წმინდა წიგნები გვასწავლიან, რომ მიუტევოთ,  
 მაგრამ... რა უყუოთ აწყვეტილ გულს, აწყვეტილ ხელებს —

წმინდა ადათს და წმინდა წესს რომ არ მორჩილებენ  
 და თოფ-ხანჯლისკენ მიიწევენ ველური ჟინით?!  
 აი, ჰაინე ცინიკურად ამბობს ამაზე:  
 “— უნდა ავმალდე და მიუტევოთ,  
 მაგრამ ეს მხოლოდ იმის შემდეგ უნდა გაკეთდეს,  
 დამნაშავეს რომ ჩამოვკიდებთ სახრჩობელაზე...”  
 ...გვითხარ, უფალო, მიგვანიშნე, როგორ მოვიქცეთ,  
 ხმა ამოიღე, ღვთაებრივი სიტყვა თქვი შენი,  
 ოღონდ არ გვითხრა — ცოდვა უნდა მიუტევოთო,  
 ოღონდ არ გვითხრა — ყბები უნდა მიუშვიროთო,  
 ეს ხომ უკვე თქვი, მაგრამ აბა, ვინ გაიგონა?!  
 ...  
 კვლავ გაინვილა მონამლულმა ისარმა მთებში —  
 ბერდიათ ლეოს ბიძის სისხლი აუღიაო.

**ელაზია**

აქა ვარ, ვნევარ ჩემს მწარე და დამორგუნველ ფიქრზე  
 და ჩემი სოფლის ნანგრევები გულზე მაყრია.

...  
 ...და დროის საბნის გადახდა რომ შეიძლებოდა!  
 ...და მინის საბნის გადახდა რომ შეიძლებოდა! —  
 წამოდგებოდა ბურსაჭილი, თვალს მოიფშენებდა  
 და გახედავდა მონატრებულ მთებსა და ქედებს.  
 წამოდგებოდნენ მაღალი და მკვრივი ბიჭები  
 და საფლავებში ჩატანებულ ხმლებსა და ხანჯლებს  
 ამოიტანდნენ სამზოვზე, გააფხავებდნენ;  
 ამოაჩქრევდნენ სილამაზეს თეთრი ქალები,  
 გარმონს გასწევდნენ, იმღერებდნენ და მათი ხმები  
 გაიშლებოდა „ვარდ-ყოილად“ წნორის ჭალაში:  
 „რად გინდა ქალი ლამაზი, რა ომში გამოგადგება!  
 ჩაიცვამს ნითელ-ყვითელსა, გავა, ბანებზე შადგება!..“  
 დაიგრგვინებდა ბიძაჩემი ბუთულას თოფი —  
 ცას გაარღვევდა ნატყვიარი დათვის ღრიალი;  
 მოვარდებოდა მაყრიონი ცხენთა ხეთქებით  
 და ხევისბერი დალოცავდა ახალყოილებს...

...  
 აქა ვარ, ვნევარ ჩემს მწარე და დამორგუნველ ფიქრზე  
 და ჩემი სოფლის ნანგრევები გულზე მაყრია.

**...და იქვე ჩვენი უსასოო ღიმილიც მოჩანს**

— ნუთუ მხოლოდ ტკივილისთვის მოხვედი?!  
 — ნუთუ მხოლოდ გაელვება იყავი  
 და მაშინვე მოგეფარა ღრუბელი?!  
 ნუთუ მართლა ცივი წვიმებისგან და  
 ქარებისგან დასაკბენად მოხვედი?!  
 გზებს ხერგავდნენ დაშრეტილ იმედებით,  
 სულ გწყველიდნენ, ლოცვას ვერ იმეტებდნენ...

...მაგრამ ხომ იყო ვალსები და სერენადები,  
 ლექსის ჩანჩქერები და სიმღერის ჰეიზერები;  
 ხომ იყო თეთრი ბალები და მწვანე მინდვრები  
 და წეროები, გადამავალ-გადმომავალი...  
 ხომ ფრიალებდნენ დროშებით შენი კაბები,  
 ხომ ვივსებოდით სიყვარულის შენაკადებით!

...ერთ ველზე ყვავის ჭინჭარი და ვარდი, სალომე;  
 დრომ გადააბა დღე და ღამე — ერთად მიდიან  
 და იქვე ჩვენი უსასოო ღიმილიც მოჩანს —  
 ის ჰგავს გატყვევებულ ციხის კართან დაცემულ დროშას...



**იასე**

...ეს მაშინ მოხდა, შავმა შიომ რომ მოკლა გიგო.  
 შეკრთა ხეობა. შეიკრიბნენ ხატის მინდორზე.  
 იასემ — ჩვენმა ხევისბერმა დარეკა ზარი  
 და ამ სიტყვებით დაარისხა შიოს სახელი:  
 „— წყულმც იყოს, ვინც ღვთის ნება არ შეისმინა,  
 ვინც მაცილის კუდს აედევნა, წყულმც იყოს!  
 ყური დამიგდე უხატლმერთოდ ჩვენ აბა, რა ვართ?!  
 წვიმებისაგან ჩაძენძილი ჩალაც არა ვართ,  
 ამ წუთისოფელს მხოლოდ უფლის სხივი ანათებს.  
 ძირს ძვლებია და ზევით სულები  
 და უფლის ნებით, შუაში ჩვენ ვართ —  
 ძირს ძვლებს ვამრავლებთ და ზევით — სულებს.  
 მინას არ უნდა შეეზაროს ეს ჩვენი ძვლები,  
 ზეცას არ უნდა შეეზაროს ჩვენი სულები.  
 ყველას გაფრთხილებთ — მაცილმა არ გადაგიტყუოთ,  
 პირიმზის წმინდა ნაკვალევი არ დაგეკარგოთ!“  
 ...მე მომეჩვენა, მუხასავით იდგა იასე  
 და იმის სათქმელს, კლდის გამკვეთელ რკინის ფესვებით  
 იასე-მუხა ისრუტავდა ღრმა ქვესკნელიდან...





დასაწყისი №60

მაგრამ ესაც-კი თან ძაან-ცუდიდაგ-  
ლახა და თანაც ეგება-არაფერი:  
მდიდრებს მდიდრულად გამოაწყობდ-  
ნენ და მდიდრულ სამარხებში — ალიზით  
ამოშენებულ ანდა ქვის გლუვი ფილებით  
განყოფილ-იატაკიანში ჩაასვენებდნენ და  
ჭრელად მოხატულ უბრალო-თიხის ჭურ-  
ჭლეულისა გარდა აყოლებდნენ სხვადასხ-  
ვა ფერის ძვირფასსა თუ ნახევრადძვირ-  
ფას ფერად-ფერად მძივებს, ოქროსა და  
ელექტრონის ( — ოქროსა და ვერცხლის  
ნაერთი) ნივთებს — ესაც აგრეთვე  
სამხრეთ-მუამდინარეთელთა ნამხე-  
დურობით სადაც უხვი მდინარეების მარ-  
თლაცდა წყალ-ობით და ზედაც დიდად  
განვითარებული საირიგაციო სისტემებით  
დიდად მრავალმოსავლიანი ჭირნახული,  
გადასაცვლელი, მოუდიოდათ,  
რომელ შუამდინარეთისაც ერთ-ერთ  
სამარხში იშვიათი ფუფუნების საგანიც —  
ოქროსა და ლილა-ქვისაგან დამზადებუ-  
ლი რომელიღაც მწერის დიდი საკიდი, და  
25 ათასი ძვირფასი მძივი (!) იყო ჩატანებ-  
ული მიცვალებულთან და იმის ირგვლივ  
— აბა ის იქნებოდა და... და როგორ მრავალ-  
ლი, რომელი-ერთი ამისთანებით იყო  
შემკვლელადამძიმებული დიდად მდიდარ-  
თა სამარხები ხოლო ატლანტიდელები  
იმაზე — „უკეთ“ თუ დაერქმევა ისე ცხ-  
ვრობდნენ, ხოლო იმდროინდელი წესით  
და რიგით უბრალო, როგით-წევრებს კი  
უბრალოვე ორმოცობში მარხავდნენ, —  
„სათხე მარხი სად არისო“, — შეძლები-  
სამებრ იყენებდნენ სიმდიდრესა თუ სილ-  
არობისაც შესატყვისებს, ყოველ ნივთს  
თავისი ადგილი და დანიშნულება ჰქონდა  
მიცვალებულისთვის ოღონდაც ესა —  
იმათი მოკლე და თუგინდაც გრძელის ჭკუ-  
ვით:

და,  
სხვა-დასკვნებისც დასკვნებობანაც  
სწევდათ, კი, კი, აი მაგალითად ობსიდ-  
იანის სამართლებელი ხომ მჭრელი იყო  
ხოლო ლითონის ნაჯახი — ტლანქი, მა-  
გრამ, დამკვირვებლური გამჭრიახობით?:  
„ობსიდიანის სამართლებელი ხეს ვერ  
მოჭრი და ნაჯახით წვერს ვერ  
გაიპარსავ“ო ხშირად ამბობდა ასე რადგან  
უყვარდა ხოლმე ამისა-თქმა კინტირიკოს,  
ხოლო ნათქვამ-გამონათქვამი-ესე  
ისეთურა მყარ ანდაზადაც კი გადაიქცა  
რომ დაკვირვებულნივე ჩვენამდისინაც კი  
მოაღწია ( ანუ XXI საუკუნე, ჩვენი),

და კოდექსები და კონსტიტუცია და  
განსაკუთრებით სამართალი ჰქონდათ  
ისეთი, რომ —  
„ნათიაც ღმძალაო, სამართალიც ღ-  
იქითკენაო“ — ასევე ხშირად და სულაც  
არაორაზროვნად ამბობდა ასე მთავარ-  
სამართალდამცავი, აკი ანიქა,  
„საქმეს ნახდენს რეგენი, ფათერაკს  
დააბრალეზო“, — ამბობდა ასე ვისიმე  
დასჯის შემდეგ-შემდგომ ენა-ვერმოულ-  
ლელი აკიც კინტირიკო,  
ხოლო ჩვენამდისინ? — ჩვე-სათანადო  
პირუთვნელობით (აგრეთვე — ისემც... —  
სიტუაციით ცოტანი მაგრამ აუჰხ  
როგორსა სამარხებში ჩასამარხავი ძაანც  
ისეთურ-მდიდრულადა გამდიდრებულები,  
როგო?) უნდა აღინიშნოს რომ ყველაფერი  
არა მაგრამ ზოგი რამ-მინც სწორად ვერ  
აღწევს; გინდაც ჩვენისთანებამდეც. ასე  
მაგალითად, მეცნიერები ხშირად დაბ-  
ნეულები არიან თუ არ უწოდონ სხვადასხ-  
ვა კულტურას, რადგან ჯერ ეს ერთი ის  
რომ

რადგან თვით ურუქ-ს მაშინ ურუქი კი  
არა არამედ ჯერ რაღაცა სხვა სახელ-  
წოდება ერქვა,  
ერიდუსაც — სხვა,  
და ამიტომაც ეგებ უმჯობესი იყოს რომ  
არქეოლოგიური გათხრების წყალობით  
აღმოჩენილი სხვადასხვა კულტურები  
მათი დღევანდელი სახელდებებით მოვიხ-  
სენით; ასე მაგალითად  
ერიდუს კულტურა — აბუ-ბახრეინის  
კულტურა-თი,  
ურუქის კულტურა — ვარკას კულტურ-  
ა-თი და ასე შემდეგ, ჩვენ მეგვიძლია დაე-  
იჭოვით მხარეებისა თუ მდინარეების  
გეოგრაფიული სახელწოდებები — შუამ-  
დინარეთი (და არა „მესოპოტამია“ — რა  
გვებერძნულდება), აგრეთვე ბაბილონი  
(დიდხანს შემოგვრჩა, შეგვეჩვია...),  
აგრეთვე მდინარეების დღევანდელი სახ-  
ელწოდებები — ტიგროსი, ეფრათი, და  
არა ერთ-ერთის ძველიმდელი შერქმევა —

მგონი „ბურანუა“, — ეს გადანყვეტილე-  
ბა შედარებით-დღევანდელ (XX) საუკუნის  
მეცნიერთა სწორი მიგნებაა, როგორღაც  
ახლოს დგას სიმართლესთან, და მიუხედა-  
ვად იმისა, რომ,

„სიმართლე ვინა თქვაო? — ბაღმა და  
მთვრალმაო“ — რაც არ უნდა იყოს არაა  
ეს მთლად სწორი რადგან წარსულის მეც-  
ნიერულად მკვლევარი ხანდახან სულაც  
არაა მთვრალი,

ხოლო სიმართლისათვის, გინდაც  
ძალიან ბუნდოვანისა და ამიტომ როგორ  
ამაფორიაქებლის, ძიებაში, კარგადაც-  
ძველი ადამიანები იმთავიდანვე აგებდნენ  
მარტივ და სადა, უბრალო სალოცავებს,  
მერე — ტაძრებს, ასე მაგალითად ერიდუ-  
სი, ანუ როგორც მეცნიერებმა შეგვი-  
თანხმეს აბუ-ბახრეინის კულტურისას (IV  
ათასწლეული) ადამ-იანებს აუგიათ  
მოზრდილი ტაძარი (სიგრძე — 26, 5 მ, სი-  
განე 16 მ), ხოლო სხვაც დიდი ნაგებობა,  
ანუ მითომაც ხსნორაგზაზედ დამდგარი  
პუტ-ვინ-„ბელადი“ს (ამადიმდროინდელი  
პერეზიედენტ-პრეზერვენტის) დიდად  
სქელკედლებიანი და „კეთილ“მონყოფილი  
სახლი ( — რამდენისათვის დაუდიათ ან  
ჩაუფიქრნიათ მთლად უმაღლესი-სასჯელი

### გურამ დოჩანაშვილი



იქა, იმ-სასახლეში...) ბეჩავ-შედლებულ  
ცილდანამებულ ცრუ-მოვალეთა ანუ „შენ-  
ერილიანთა“ დიდად მოწველით დიდ-თანხ-  
ებისა? უბაიღურსა დასახლებამიც აუგიათ  
„ბელადი“ს სახლი ანუ უბრალოდ —  
პ„რეზიდენცია“ რითაც ბელადი ალბათ  
კმაყოფილი დარჩებოდა-დარჩომილა  
ხოლო ბელადის-სიტყვა როგორც წესი, ეს?  
— კანონია, თუნდ დროებითად რაღაც ვა-  
დამდე გარკვეულად სჭრის მინამდისინაც  
გადმოუყუდებიათ,

„ნთავს მოწვეჭრი ნემ მანგას,  
ნდავბრადამ ჩემი-ვისიმე ნხელით გენლა-  
პარაკები შენ“, — ასეც იცოდა თქმა და  
ამბობდა ამას ჯერ კიდევ როდის თავად  
ანიქა, მცირე ბელადი, დიდი ბელადი კი  
— ვითომც ნოე იყო მაგრამ თავი გავიზ-  
ნევით, ვიმხევეთ იმით, რომ, მიუხედავად  
აჭლანტიდელებისა —  
„სალორემი დაბადებულ ხბოს ღორს არ  
დაუძახებენ“, —  
სწორია, რას ერჩი,

ხოლო იმ ძველდროინდელებს მთლად  
აბსტრაქცია ეგონათ სწორედ ის თუ ვინმე  
ბრეივი ( — მართლაც!) გაბედავდა და იტყ-  
ოდა რომ იმქვეყნიური ცხოვრება არ, არ  
არსებობდა — და რამდენის სწავლა გე-  
მართებს იმ ურწმუნოებისაგან, როგორ  
მრავალ-სახალხოვად გათათხულებსაგან  
ჩვენ რომ მაღლიდან „პირველყოფილებს“  
ვეძახით, კი, რომლებიცა რომ მარადიუ-  
ლი ცხოვრების ნიშნად ძნელი ხელებით,  
მორიდებულები, ორსულ ქალებსაც რომ  
აქანდაკებდნენ და ჩორკნიდნენ თავ-თავი-  
ანთებ ქვე-ყანებში,

მაგრამ, ბეჩავებიც, ძალიან ადრე,  
აგერ-ჩვენსავით ცრუმორწმუნეებიც  
იყვნენ:

ასე მაგალითად, რაიმე სარკისადამაგ-  
ვარი ანდა მსგავსი თუ გატყდებოდა ეგო-  
ნათ ვინცკი იყო იქ როდესმე არეკლილი,  
ყველა მოკვდებოდა ძალიან მალე და არა  
როგორც წესი, ეს — შემდგომ, ძაანაც, გახ-  
ევდებოდა, მინამ რაც გინდაც მა-  
გრამოდრავი,

და ზოგ ცხოველებს კი იმიტომ ხატა-  
ვდნენო — ამბობს მეცნიერება, — რომ ეს  
იმათი შემინაურების გაადვილებისათვისო  
ხოლო  
ნადირობის ამბები იმიტომაც გამოხატ-

ული ამბობს კვლავაც მეცნიერება, ჯერ  
კიდევ „პირველყოფილების“ მღვიმეებშიო  
რომ წარმატებით ენადირნათო ისევეც ამ-  
ბობს-ასე მეცნიერება

მაგრამ,  
მეცნიერებასთან, რომელიც ამას ამ-  
ბობს

დიდი ბოდიში და,  
ეს,  
პირველ რიგში,  
თავი და თავი ხელოვნებისა ხელოვ-  
ანებისაგან მთლად უწინარეს რიგში? —  
შედევრებია,

ადამიანთა, გინდ პირველყოფილი ეძა-  
ხეთ და ეგრეთწოდებულ „ცხოვრება“შიაც  
„ჩამორჩენილთ“, და მაგრამ მათი სულის  
მთავარ კუნჭულში ჯერ აღმოცენებული  
ყლორტად და აბარომელი ბაობაბი და სა-  
მუმი, მერე, —

ნეტა, ეძახდნენ კია იმათა, „ჰავანგარდ-  
ისტი“-ებს? — არა გვგონია, ხომ... იმათთ-  
აგან მთლად ნაღდებს სუარაფერში ენადე-  
ლებოდათ დახარისხებებ-წოდებები, ხოლო  
იმათმა კი, ვითომდაც-ბეჩავ პალეო-  
ლითელებმა ეგება სულ რომ არაფერი  
სულ ვერ იცოდნენ ჭრელაჭრულების  
ლაპარაკი... მაგრამ ხატავდნენ!

### სოლო რწმენა კი, ჩვეულებრივებს, რიგ-

ითებს ისე ჰქონდათ რომ — თუნდაც მარ-  
ტივი მაგრამ მართალი გონებისა და ხელის  
და თვით სულისა-ხელთა ცეცებითი, ისე  
ჰქონდათ და,

ისე სწამდათ რომ თავიანთი მორიდე-  
ბულად მოუხეშავი შესაძლებლობებით  
დასახლება თეფე-ჰავრაში (შუამდინარე-  
თი) ჯერ თუ შედარებით მცირე შენობა —  
10, მ X 7 მ, აუგიათ, მერე და მერე მთლა-  
დაც დიდი აკროპოლი აღუშენებიათ იმ  
დასახლების შუაგულში რომლის ათას-  
კვადრატულმეტრთან ფართზეც სამი ისე-  
თი ტაძარი მდებარეობდა მონუმენტურ-ს  
რომ უწოდებენ, და რომელ-ანაგებობითაც  
პირველ რიგში ე.წ. „წარჩინებულები“  
სარგებლობდნენ დიდად საიდუმლოებები-  
თა და შესანიშნავებით მოცულ-მოსილი  
ქურუმების წყალობითა თუ შემწეობით თუ  
რალაცა კიდევ სხვა...

ხოლო ესი-ეს ცრუ-რწმენები? დღევან-  
დელურიც? —  
„სადირკველში ჩადებული მრუდი ქვა  
მთელ კედელს გაამრუდებსო“ — ამბობს-  
ასეცა დღეს საქვეყნოდ დიდად ცნობილი  
ინჟინერ-სპეციალისტი, რაც, დარჩეს  
ჩვენში და, ყოველთვის არაა სწორი, —

ასე მაგალითად ვითომდაც კულტურ-  
რულობით „მალღანვითარებული“ ინკე-  
ბის ( — ისემც...) რომლებმაც თურმე  
იცოდნენ-თუმცა რაღაც-რულაცებ განვი-  
თარებულად გინდაც მზის სისტემები მა-  
გრამ რად გინდა — რომლებიც თურმე  
ადამიანებს ( — მხოლოდღა ტყვეებს? მონ-  
ებს? — არა, თავისიანებსაც!) მკერდ-გაპო-  
ბითი გულ-მთლად ამოცლით მსხვერპლად  
სწირავდნენ გაქვავებულ თუ გაშემებულ  
მითომდაც პირქუშად მალად (ეს სიგრძით,  
ოღონდ ისე-მართლა მკვდარდაუსულთ)  
კერპებს და ხოლოკი მერე მსხვერპლს გუ-  
ლის შემდეგ მთლიანად შჭამდნენ მთლად  
უკულტუროდ ( — უდანაჩანგლოდ), ხოლო  
მართლაცდა მეტადაცკი ამაზრუნისა ის,  
რომ, უკანონო შეიღებს (თავად ხომ დიდად  
კანონიერები, იყვნენ — მზისა სისტემის  
გარდა ვარსკვლავებსა და მთვარესა და ასე  
შემდეგ, უჭრეტირებდნენ, თურმე) თურ-  
მე ჯერ ისე უვლიდნენ რომ ცივ ნიავს სუარ  
აკარებდნენ ასე 10-დან თორმეტ წლამდე,  
მერე კი, კარგა-ძალუმად რო გაასუქებდ-

ნენ, უკაცრავლი პასუხი კია და, მაგრამ,  
შშჭამდნენ,

მერე კი სულაც სხვა რელიგია დაფუძ-  
და ინკების მინა-წყალზე და თუმცა ისინ-  
იც არანაკლები ბოროტმოქმედები ოღონდ  
სხვა ჟანრში, იყვნენ, სწორედ იმათით დიდ-  
გაცილებითაც კი უმჯობესი სულაც სხვა  
რელიგია დაფუძნდა ინკების ყოფილ სამ-  
ფლობელოში,

ეგება-მართლა წინწინ მივდივართ  
ოღონდ სათუოდ,

აბა სად იყო, სადა ჰქონდათ დიდ-მა-  
სობრივი განადგურების შექმნის თავი  
პირველყოფილებს და თუგინდაც მზისამ-  
ჭვრეტ თუნდაც ინკებს, და ვინ რა იცოდა  
ლაზერისა (ოღონდ მომსპობის), და კალაშ-  
ნიკოვის ავტომატი-ხომ, კანფეტია, კი, სხვა  
ძაან დიდძალ-იარაღებთან შედარებით მა-  
გრამ იმითაც, „დიდ-ძალი საქმე“ უამრა-  
ვად გაკეთდა და კეთდება-კიდევ, და სუ-  
ლაც ვერა-პოლიტიქნიკოსები ხომ ვერა-  
სოდეს მივხვდებით რომ როგორ უბრალო,  
მრგვალხაზობრივი საპატეფონო ფირ-  
ფიტებიდან როგორ ამოდის მთელი  
ორკესტრი აუარება საკრავიანა და ეს იქით  
იყოს და ხოლო XX საუკუნის შუა-წლებების  
„პადუშკა“-მართლაცკანფეტში რადგანაც  
ჩვე-ზოგიერთისთვის ზავშობისა როგორ  
მთლად კეთილად დამატკობი — ნეტაი  
როგორ იდებოდა იმა ჰერმეტიულსა და  
უზარში მუქი „პავიდლო“ ანდა ნე-  
ტაიროგორ იტენება ატომისა და წყალბა-  
დის ბომბა და უარესი იმაზეც კი, ოსვენ-  
ციმისა გამოგონება-გაშენება ანაცდა  
ხილტერს რაზომისი საპოგები ეცვა მა-  
გრამაც... მკმარა!

უხამსობა ამებზე უშნო ღლიცინი,  
და ღლიცინებში კი დიდადმეჩნეულ  
ჰოლივუდურებ-პროდუქტებში როგორ  
ხშირია მახსოვრობისა სრული-წარმთევის  
ნიმუშები — ჩაავლეს თემას, „მომგებიანს“,  
რადგანაც ამერიკელების რბილად რომა  
ვთქვით უმეტესობას კი არა და, საერთო-  
დაც, უმახსოვრობა, რა ძალიან, გვეჭრის,  
და, როგორ ძალიან მომენტარა „გან-  
მარტებანი“, ეგება თქვენც,

ეს იმიტომ რომ, ასეც სწერია, იქ,  
გველისადმი, იქ, იმ ქვენარმავალისადმი  
რომელმაც უნდა

„იხოხე და მტვერი ჭამე მთელი სიც-  
ოცხლე“ ...

და,  
„მტრობას ჩამოვადებ შენს თესლსა და  
დედაკაცის თესლს შორის“ ...

„განმარტებანი“თ, ადამმა ერთგვარად  
თუმცა მოინანია როდესაც ღმერთს არ  
დაუმალა თავისი ცოდვა მაგრამ მერე კი,  
იქვე, იგულისხმა რომ მისით შეცდა რად-  
გან იქვე უთხრა, თავად ღმერთს, ასეც: „შენ  
რომ დედაკაცი მომიყვანე“ ... — „უეჭველი  
მონანიების მაგიერ ადამი თავხედურად  
გამართლების უფლებას აძლევს თავის  
თავს და თავად ღმერთს ერთგვარად ეს-  
აყვედურება იმ წყალობისათვის, რომელ-  
საც ადრე სასურველ სიკეთედ მიიჩნევდა“,  
და, განსხვავებით ძლიერ-შემდგომი  
ერთ-ერთი უძღები შვილისაგან, რომელ-  
მაც:

„მამაო, ვცოდე ცად მიმართ და წინაშე  
შენსა და არღარა ვარ მე ღირს წოდებად  
შენდა“, —

ხოლო „ადამი ყალბი მობოდიშებითაც  
ცდილობს თავის გამართლებას, რითაც  
უფრო ამძიმებს თავის დანაშაულს: „შენი  
ხმა შემომესმა და შემეშინდა მიშველი რომ  
ვარ“... და, მერე ის აღნიშნული — „შენ რომ  
დედაკაცი მომიყვანე“ ..., ასე რომ, იმ-შვილ-  
ისაგან განსხვავებით, „ცოდვით დაცემულ-  
ი და მისი (ცოდვის) შემოქმედების ქვეშ  
მყოფი ადამიანი (ადამი) უძღური აღმოჩნ-  
და ამგვარი უშუალო და წრფელი მონანიე-  
ბით (ერთ-ერთიც უძღები შვილისა) რომ  
ეშველა საკუთარი თავისათვის“,

და რაღა ძალიან დიდად გასაკვირია  
კაენის მთლადაც აშკარა და თავხედური  
ტყუილები თვით ღვთისადმი, რომელმაც,  
როგორც ადამის ხორციელმა შვილმა მა-  
მას კარგა-ბლომადაც გადააჭარბა სი-  
ცრუესა და ავიაობაში, ხოლო როგორ ზე-  
მალად გამოამასწორებელი უფლება  
მოგვიანებით ებოძათ ადამიანებს მამა-  
ღმერთისაგან და კიდევ თუ ვისგან და,  
სწორედაც ევასეულთა-ერთის-წყალობით,  
გავიხსენოთ, კი:

მიუხედავად იმისა რომ ევაც თუმც არ  
უარყოფს მცნების დარღვევას, მაგრამ პა-  
სუხისმგებლობას სხვას აკისრებს —  
„გველმა შემაცდინა“,



მაგრამ მამა-ღმერთი თავის უმკაცრეს სიტყვაში ევასადმი „ბიბლიის განმარტებანი“ს მიხედვით ამბობს როგორ ურთულესს, დიადად, რამს, გველისადმი: „ის (ევათი დაბადებულები) თავს გიჭეჭყავდეს, შენ კი ქუსლს უგესლავე“ — ევას ნაშიერი თავს უგმირავს გველს და, ხელოვნებაშიც, იქნება ეს მხატვრობა-ქანდაკება თუ სხვა (მუსიკა, სიტყვა), სადაც ევას ნაშიერი რახშირად თავს უგმირავს ანუ სიკვდილით სჯის გველს ხოლო ევასეულები კი შედარებით ნაკლებად თუმც როგორ დიდად ზიანდებიან — ქუსლი ეგესლებათ, მაგრამ ეს ის მხოლოდ მოზედა-პირობისაა, რომლებსაც ბიბლიით მეტად ღრმა აზრის მატარებლობა, აქვთ: „იქედნეთა ნაშობთა შორის“ („იქედნე — ესე გველი რამე არს, სამო არა აქუს და პირით მკვდება და შვილნი მუცელს გა-მოსჭამენ და ეგრე გამოვლენ“ — საბა, — გენინნათ? იმისი (გველის) პირველი ცოდვის ნათქვამი პირი, და მისი „შვილები“?), იმ თავიდან გველის მიერ ნაშობთა შორის „ღვთის მინდორზე ღვარძლად“ ამოსული ყველაზე დიდი მონინააღმდეგე, მტარვალი და დაქცევის მსურველი მთელი კაცობრიობისა — „დიდი მონინააღმდეგე“, „უკანონობის კაცი“ და „სიკვდილის ძე ანუ ანტიქრისტი“.

და „განმარტებანი“თ როგორი მაღალი, შევებითი-როგორ, გამხნევება ეს, ჩვენი: „ქალის თესლში პირველ რიგში იგულისხმება მთელი მისი შთამომავლობა — ადამიანთა მოდგმა“, რომელთაგანაც ამ-აღლებულები, „კეთილგონიერი წარმომადგენლები ენერგიულად ებრძოდნენ და ებრძვიან დედამინაზე არსებულ ბოროტებას. და ბოლოს, წმინდა წერილი იძლევა იმის საფუძველს, რომ მათგან გამოვყოთ ერთი დიდი შთამომავალი, ქალის მიერ შობილი შთამომავალი“ შეიქმნება ანტიქრისტეს „ძღვევამოსილი მონინააღმდეგე“ და „გველის (მაცდურის, ეშმაკისა) მთავარი დამმარცხებელი“.

ხოლო იმისი, მრავალტანჯული, ჯვარცმული სისხლი და წყალი ფერდში ნაძგერი შუბით პირველად გოლგოთას მთაზე დასაფლავებულ ადამის ნეშტს დაეკუთრება და შეეჭლინება სწორედ იმისაგან, რომელიც უღმინდესი ეშმაკ-საგან... —

„ღვთისმშობელი ქალწული, გიხაროდენ! მიმადლებული მარიამ, უფალი შენ-თანა. კურთხეულ ხარ შენი დედათა შორის და კურთხეულ არს ნაყოფი მუცლისა შენისა რამეთუ მაცხოვარი (გადამრჩენელი... დიდად ვაი-რომ საქორა ხანდახან-მანც ამ სიტყვის ახსნა) გვიშვე სულთა ჩვენთა“.

ასე რომ, ევას ნაკლებ-გაკიცხვაში რა უდიდესი აზრია და ევას ჩვილი ნაშიერები კი, ბავშვები როგორ განსაკუთრებით უყვარდა და მერეც, როგორ უყვარს წმიდა სამებას, ბავშვები, და ადამიანები მაგრამ ვიცვლებით გზა-გზად, ბალღები, და თვით მორედ მოსვლაზე მეტად... — გადასაცვიფრებელი! — კონსტიტუციები თუ იმისი მუხლ-მუხლებების გამოყენებანი ანუ მალვალაკობა — უფრო გვახსოვს,

ხოლო შედარებით-დღევანდელი ისი-„დემოკრატია“ ჩვენ რომ გვეგონია რომ მთლად თავიდან ძველ-ბერძნებისას ძველ-ბერძნებით მოგვარდა, რო, და შემდგომ-კი ისე გადაგვარდა რომ — მტრისადავი-სას!, მაგრამ, ძველბერძნებს თავისა არ ეყოფათ?, ხოლო „დემოკრატია“ს რაც შე-ეხება, ნუ იტყვითა და, თურმე ჯერ კიდევ როდის მოუგონ-გამოუგონავთ-გამოუგონები-ათ, კი! —

და თუ ურუქის (ანუ ვარაკას — ვერ მოვიშალე ეს შედარებითძველი სახელ-წოდებები...) ქალღმერთ ინანას — ძველი ვარკას „მფარველი“ს — დიდი ტაძარი (79X29მ) ალმართულიყო, მის ცოტათი ქვე-მით უაღრესად დამაფიქრებელი და დიდად უცხო იმდროისათვის არქიტექტურული კომპლექსი იდგა — იმ ტაძარზე სამჯერ ნაკლებ ფართზე — 600 კვ მეტრამ-დეა — ეგრეთწოდებული „წითელი შენობა“, ფართო, სქელი კედლებით შემოზღუდული, რომელსაც რატომღაც ორი შესასვლელი (თუ, შესასვლელ-გამო-სასვლელი) ჰქონდა, კედლები სამფერო-ვანი მოზაიკით მოჭყდანი, და, ამ შენობა-ში იყო ალიზით ნაშენი ამაღლებული

ბაქანი რაღაც — „ესტრადა“სი მსგავსი, თავის დროს ალბათ რაღაც უნდა გადა-ხურული რასაც ქვის დიდი ბოძები, კოლო-ნები მოწმობენ,

მაგრამ ვარკას ამ-ადგილისა გამთხრელმა და მათ შორის რაცგინდა თამამა არქეოლოგებმა მთლად გადაჭ-რილად ვერ დაადგინეს თუ რას ემსახურე-ბოდა ეს შემალღებულობაინი ანსამბლი, და მხოლოდ ვარაუდად გამოთქვეს რომ ეს უნდა ყოფილიყო ხალხის სახალხოდ შეკრების ფართი რომლის ხსენებულ შე-მალღებულობაზეც სხვადასხვად ჭრელი „დამსახურება“თი გამორჩეული საბჭო, გნებავთ „საფიხენო“ (გაგებეთოთა და შე-ვიშინაუროთ დემოკრატია უნდა) დაბრძან-დებოდა ხოლო მთავარი ქურუმ-საფიხე-ნოელი და ჯერ ალბათ ან ნაღდათ-ცალკე მოეთათბირებოდა რაიმე ალბათ მწვავედ მნიშვნელოვან საკითხზე საბჭოს ( — ვაიბე...) და მერე, საბოლოო დასკვნა-გადა-წყვეტილების შემდგომ, ქვემოთ-მდებარე ხალხს ( — ვინ იცის, იდგნენ? ინგნენ? მუხ-ლმოყრილებიც იყვნენ, ეგებ...) მხოლოდ მერე დაეკითხებოდნენ ამა თუ იმ საკ-ითხის საფუძვლიანობასა თუ უარყოფას ხოლოკი დემოკრატია უილი ხალხი, დემოსი ამაზე მძლავრად დაიყვირებდა ან „ხეამ, ხეააამ!!!“ — ს (ანუ: „დე იყოს, იყოს ანგრე“ — შუმ.) ანაცდა, ზოგინც მთელის გული-თა ოპოზიციურად გაჰყვიროდნენ „ნაამ, ნაააააამ!!!“ (ანუ: „დაე ნუ იქნება ასე!“), ხოლო ზოგინებიც თავ-არასაბატიკივარნი ფორთხილობით? — დაქვემდებარებულნი შიშს, მორიდებით ჩურჩულდებოდნენ „ნაამ-სუსუსუ-ნაამ, ჰ-სუსუ“,

„ნტყულია, ნკი, ნღნდემონკრატის ნღრიქ-რამე ნღრო ინყვეს ნღრამე ნმთელ ქვეყუნაღყზე ამე-ამჩვენელქი დე-მონკრატის, ფასი“ — ამბობდა-ასე ანჩი-ქა და კინტიკიკოც ანდაზურადვე უმონ-მებდა —

„არ ააფრინო ალალიო რაც არ არი... ეე, არა! — არამედ დემონკრატია არი რაც არიო“,

რითაც? — ანჩქასისი დადებითა შე-ფასებასა, იმსახურებდა:

„ნკარგ მნთქმელს კარქი... ეე, ნკარქლი ნგამგონე უნდაო-ლქ“, —

ყური და თვალი და გული ეწვოდა, ნოეს,

ხოლო მსგავსი შენებულება ძველ შუა-მდინარეთში სხვა არ იყო, რაც ალბათ იმას მოწმობს რომ ეგრეთწოდებულ ბელად-წინამძღოლისა გაძლიერებულ-შეძლებისა განძლიერებით და ამისაგან გამომდინარე გავლენის დიდად გაზრდით სახალხო კრებები ანუ დროებითული დემოკრატია პირისაგან საფიხენოსი აღმოფხვრილ-იქმ-ნა — და სულაც ვეღარ იმეფდნენ რასაც კანსტიტუცია და იმასშია შემავალი ლაქლაქი ერქვა და ალბათ იმიტომაც ეგრევე-ადიკვეთა რომ სხვა თუ არაფერი, — „რაც არ ექნას მამაშენსა ნურც შენ დახ-ევ ჩამოაყუდესა“.

მამოაყუდეს, გადმოგვიყუდეს-მოკ-ლედ, დემოკრატია-ისი, და ბელადისა არამცთუ ის რომ

„რაც არ უნდა მინდისაო, ყურში მძიმედ მისდისაო“

არამედ მძიმედ კი არა და არც ცალ-ყურშიც არ უმეგებდა და მეორედამ კი აბა როგორდა გამოუშვებდა პირიდანულსაც დემოკრატის ვარკას ბელადი-„მესვეუ-რული“ რომელიცა რომ დემოკრატიაც სუ-ველარ იყო რაღაც თქმა უნდა კანტუტუცია... ეე, კონსტიტუციურისაა, გარდა, და, გაგვიგრძელდა ასეც — „რაც მამა, ის შვილიო“ და, რაღაც ექნათ, ოპოზიცი-აც-ხო განსაკუთრებით დაიფრინეს და ძალითა და თან ტექნიკურად რადგან ტელევიზატორებში მგზნებარ-გამოსე-ლების უფლება და თავიანთი ბელადების თათხვა კი გულის ქავილისადადამაშოშ-მინებულ ფხანვად მაინც კი არა თავისა-ნებსითაც დაუტოვეს და თელიხალხიც მხ-ოლოდ ამითლა ინათლებდა და კი არა და, იფხანდა გულს და დარჩნენ ასე, ბეჩავები, გულისმოფხანით მთლად გაცუცურაკე-ბულები, გინდაცდა ცრუცკი-უდემოკრა-ტიოდაც, კი; რას გაანყობდნენ:

„რაც უნდა ქნას თვალმა, წარბს ზემოთ ვერ წავაო“ —

წარბები კია ნაღდათ თვალებზე ზემოთ იყო (იხ. ბრეჟნევი მაგრამ სადღანა...)

და, დაა, დადუმდნენ, მაგრამ ორიც დიდად ცბიერი და გამ-ჭრიახი ბელადის ნდომით? — ისევ და ისევ,

ძალითაც კი ალაპარაკ-მითომც-აასკან-დალეს, რათა იმ უხილავი ფხანებითა უფროდაც მტკიცეთ შეენარჩუნებინათ ძალაუფლება — „ვინც რაც არ უნდა და რაცგინდა თქვაასო წისქვილმა კი — ფქვაასო“, საოპოზიციო-პოზიციურად ამაში ადრეც შემჩნეულები მაგრამ აქა-იქ ხმაგაკმენდილები, ახლა, — „ხალხი ბრიყვია და და თქვენ რომ ჩვენს სანი-ნააღმდეგოდ რამდენსაც გინდათ იმდენს იტყვიდაიტყვით მით უკეთესი თვალსა-ჩინოურ დემოკრატიათვინა და რაც უფრობევრ იტყვიოთ (რაგავაჭირე ამ „იტყვიდაიტყვიო“თი, საქმე) მით უკეთესი რადგანაც ამით (ამას კი უკვე მხოლოდ გულშიფიქრობდნენ) აქავებულ გულს უფროდაც-უფრო კმაყოფილურა თვითდა-ჯერებით თავის თავისა დამკვიდრებად-ჰეჰ დასამტკიცებელ დამტკიცებულებად-ჰეჰ მოიფხანს ხალხი-ფიჰეჰ თავის-ენების ქავილითაო (მაინც რამდენჯერ და რამდენ-ნი „ქავილია“, ფიჰეჰ!) მთავარია რო ის მკვეთრი საქმე არ აკეთოთ თლათ-არაოდეს რომელიც ჩვენსა ჩამოსაგდებათ ერთადერთაო (ყოველთვის არის ასეთი საქმე-საშუალება, კი) თორემ ხოციოთ დაიბრუნდებოთ არამედ ხოლოდ ფინიკურ-რათ უფროდაც მეტად ვინემი-მოყვრობე-სპიერი და განა იქნება ესი დანაშაულ-ჩვე-ნი რადგან აბა რაღა დანაშაულია ჩვენი ეს-ჭამაყლაპა და სასახლეები და თქვემ-შიერებმა და უჭერობმა კი ისეც გიქნიათ გულელებიც მთლადაც ჩამოგაფხანაჭ-ნადიკოვლიათ ფხანვებითაო ( — ა! — კიდო, კიდო...) და თანკი იმასაც იგრძნობთ მერე-დამერე რო არახსნორნი ხართა, ხაართო და, ძანაც მიყურ-მიჩუმდებითა, კიი, დარცხვენილები თქვენის ბრიყვობით და ჩვენა კია ამასობაში მთლად-ისე ძლიერ განვძლიერდებით, რომ მერე ჩვენი გად-მომყუდებელი აბა ვილა-ლა იქნებაო (ასე რომ, ძველსაბერძნეთში უფროდ იყო და მოზრდილ-ხანსაც დემოკრატია თუმცალა იქაც კაგოთურნებიც არცთუ ცოტები ერივნენ, იქა...)

და, უფროც უფრო წარსულშიაც, ასე-მაგალითად ვითომაცა და „მე, დიდად უკე-დავი აანებადა, ურის პირველი დინასტიის მეოთხე მეფე და უძლეველი და უებრო მეომარი ოლონდაც გრძელნით ოთხივე ფეხით (რომელს არა გვაქ თითო-ოროლა გადაჭარბებულად ოთხფეხა ნაკლი) ასე-თი კარგა-სხარტი და ენასხარტულა კი ვაარ და მაგრამ მაგრაკოჭლიცა ვაარ ( — ტყუილი, ტყვილი...) და მეორე ხარისხის ინვალიდი და ბრძოლებშია უშუალოდ ამ-იტომაცაა არ მივდივარ,ო, და ამიტომაც პირადად პირულ-ხელებით კარგა ვიბრძ-ვიო (სურო არაფერი, აკი ოთხფეხი, იყო,) და იმტვირეთ ვისაცკი გინდათ ამაზე თავ-ცხვირ-პირი-ო“,

და, შეიქნა თუმცა ერთგვარად დიდი ორომტრიალი ოლონდაც მეოთხ-ბე-ლადისა მთავარ საქმისა მთლადაც რვალ-ივით არა მაგრამ სუცოტა თხლესავით-მაინც, სწორედაც თხლეთი როგორ-ძალიან განმტკიცებული,

ხოლო ურელი თვითმმართველი აანე-ჰადა ასე ფიქრობდა ისევ, და ისევ:

„ვინც რა უნდა თქვასო, წისქვილმა კი ფქვაასო და თუგინდაც სუარარარა ფქვაას ჩემკბილებისგან, განსხვავები-თაო“, და

შუბლსა და პირზე და გულზედ რი-

გრიგობით იდებდა თითებს და თავისსა კერპს, გინდაც მცირედი მოხრილობით, თაყვანსა, სცემდა,

ხოლო ყველაზე ნამდვილი გინდაც-დემოკრატია როგორც ეს უკვე არაერთ-ელ აღვნიშნეთ იმჩვენ დამთარსავსა სა-ბერძნეთში აღმოცენდა, კი, და ტყუილი და ცილისწამება იქით იყოს და სათანადოდ ვერშეფასებაც იქით იყვეს-ეს და გინდაც წარმართულ იმ-საბერძნეთში ისე დაფუნდ-და-გამყარდა რომ არცთუ მან-ამდე და არამედ არცაც შემდგომ დღევან-დელსაც კი ( — XX-XXI სს) დღესაც სულაც ვერავინ მოვსწრებიათ პრაქტიკულად თეორიულად დემოკრატიას რამდენ-რამისა მთლად უშედეგოდ მაძიებლები, ჩვე, ხოლოკი მძანფრი ანჩქა და მისი კუდი კინტიკიკიო ხანდახან სადღაც იკარგე-ბოდნენ დიდ-საიდუმლოდ და მერეკი ვით-ომდაც ლალი და უდარდელი სიცილ-ლი-მილით-ჰალალით-ვითომდაც გამოჩნდე-ბოდნენ ხალხში ოლონდ რატომღაც სახე-ძალიანთუოდნავ-მაინც შერუჯულები,

და, თუმცალ ანჩქას ღიმილი და სიცილი-ხო კარგა-უჭირდა და მისსა გარდა დემოკრატია-ზედ თუმცა კი ბევრზედაც ბევრი ცოტარესობა ილაყაფებოდა ატ-ლანტიდაში მაგრამ იქნა იქოურებს სახის მოხატვა ჭრელისფერებით ბევრდაც უფრო ეპიტანავებოდათ, — რა, ცუდიარო ეს, იტყვიო განა?

დაცვდებათ — „არა“? — არა, და,

დავიჯერო რომ, დღევანდელმა ფეხ-ბურთის „ფან“-ებმა ისე ზედმინეწურად იციან შუამდინარეთი, ატლანტიდა და ერიდუ და ბაბილონი და ასე შემდეგ რომ სახეებს ასე-ბევრსადა ილაყაფებოდა მთ-გან ისნავლეს ეს და გადმოიღეს? ჩვენ გვეგონი, არა, ისე კი დიდად უცნაური პი-რადობისა მონობაებინა — მოხატულო-ბით, — ხალხია ესი ფანები — ასე ერთ-ერთსა, მაგალითად, თვით მსოფლიო ჩემ-პიონატის ფინალურ ანუ დასასწრებად და სანახავად ზე-კულმინაციურ მატჩზე, მატ-ჩისას ისეთი დიდი რომ ორ-ადგილიანი საჯდომისათვის დასაჯდომზე-იმ ძალიან დიდი დოლისათვის ( — ბარბარბანი?) ფართი ანუ იმიანა (დოლიანა) სამი დასასაჯდომო დაუკავებია ეს მაშინ როცა ერთილა ბილეთის საფასური მთელი 5 ათა-სი დოლარი (ამერიკ-ფულის ცნობილი ერთეული) ღირდა, და, სახეც კარგამაგრა-მიმოთხაპნულს, ერთხელაც კი არ გაუხე-დავს მწვანე (ეს მართალია) მინდვრისაკენ რადგანაც ირგვლივ და ზევით განლაგე-ბული თავისი თითქმისადა ტიტლიკანა მა-გრამ სამაგიეროდ მატყლივით-სქლად სახე-დასაღებავებულნი თანამემამულეე-ბი ჰყვანდა და მისით იმისაკენ კი (სა-სა-ფინალო მწვანე მოედნისაკენ) ზურგითლა იდგა და ეს, თუ რატომ? იმიტომ რომ იმა დიდის განუწყვეტელი მთლადაც მჭეხარი და დიდადგუგუნა ბრაგვანით ისე ძალიან რომა იქ კიარა და, მთლადაც-აქეთ რამ-დენ ათასსა-კილომეტრზე მყოფთ ტელევიზორითც ორთავე ყური ისე გა-მოგვჭეოდდა აი ისე რომ როგორც რო ლამის ლ. კ.-ს — შალგერებსა, ფული, და ესა კი თურმე იმისათვის რომ მისის გუნდისა ფანებს უმფრო ეფანათ, — გადასარევი, — სასტაული, ჰოჰჰ!,

გაგრძელება შემდეგ ნომერში





ნუგზარ ზაზანაშვილი

კაცობრიობა რომ მხოლოდ homo quadratus-ების ნაკრები იყოს რა იქნებოდა

რა იქნებოდა და სამოთხე სამ-ოთხ-ე

ასეთი აზრებიც მეწვევიან ხოლმე სექტემბრის თბილ საღამოს სეირნობისას

ვათვალეიერებ გამვლელებს ვცდილობ ამოვიცნო კვადრატული ადამიანები სხვა მართკუთხედები მიშლიან ხელს თვალში მეჩხირებიან: ფასადები ფანჯრები ვიტრინები ფირნიშნები

და ის თავთუხისფერთმიანი ბალახისფერმაისურიანი ნაცრისფერჯინსიანი ყმანვილი ქალიც ხელს მიშლის ავტობუსის გაჩერებაზე რომ დგას ცალი ფეხი მუხლში ოდნავ რომ მოუხრია ტერფი განზე რომ გაუდგამს ბალეტის მოცეკვავესავით მობილური რომ მიუღვია ყურზე და რომ ილიმება

როცა ელოდები ქუჩაში შორიდან თვალს მოკრავ შენკენ მომავალს და გული აღარ შეგიფრთხილდება დამფრთხალი შურთხევით მაშასადამე მაშასადამე მაშასადამე მაშასადამე

აგვისტოს ღამით „დაკატაობენ“ ქერათმიანი მამა-შვილი ველოსიპედებით ვაკის პარკში. ქართველებს არ გვანან. მამა ასე 35 წლის იქნება, შვილი — 6-7-ის. მამა დიდი ველოსიპედით კატაობს, შვილი — პატარით. წითელ ქვიშიან გზებს აუყვებიან და დაუყვებიან, შადრევანს წრეებს არტყამენ. ბიჭი როცა იღლება, ჩამოქვეითდებიან ხოლმე და სკამზე ჩამოჯდებიან, წყნარად საუბრობენ...

რატომღაც ენაზე მადგება — „სულისშემძვრელი,“

რადღა რატომღაც — უთუოდ ჩემი დეპრესიულობის გამო.

შეჩერდი, შე... შეჩვენებულო წამო.

ქალაქური ღამის სტანდარტულ — აქა-იქ ავტომობილმაურგაჩრდილ — სიჩუმეს არღვევს — საბჭოთადროინდელი, სტანდარტულად უსახო სახლის მე-9 სართულზე, სტანდარტული ბინის სტანდარტულ აივანზე, მაინცდამაინც ჩემი სტანდარტული ბინის სტანდარტულ აივანზე, მოკალათებული — ჭრიჭინა: ჭრი-ჭრი-ჭრი ჭრი-ჭრი-ჭრი — ჭრის ავტომობილმაურგაჩრდილ სიჩუმეს შეჩვეულ ყურს. ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი — სულის გამანვრელივლად ჭრის! ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი — ყოვლად აუტანლად ჭრის!! ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი — რა დამაძინებს ამ ღამით!!! ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი — ეს რა უბედურებაა!!!! ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი ჭრი-ჭრი-ჭრი — და ჩემში ნელ-ნელა იღვიძებს ერთ-ერთი პირველყოფილი ინსტინქტი...

მიხეილ ქელიძის პოეზიის ბოლო საღამოზე

ლექსებს კითხულობს სცენიდან 80 წლის პოეტი უკვე ორი საათია კითხულობს დაღლა ეტყობა მეტისმეტი დაღლა ძლივსლა ლაპარაკობს და მაინც „ერთ ლექსს კიდევ წაგიკითხავთ“ თითქოს ეხვეწება მსმენელს „ერთ ლექსს კიდევ“ აღარ ახსოვს დაღლა აღარ ახსოვს რომ სცენაზეა რომ მიკროფონში უნდა ილაპარაკოს რომ უკვე ორი საათი გავიდა რომ დღეს 80 წელი შეუსრულდა ის ხომ ახლა იქ არის იქ სადაც მხოლოდ დროა ანუ დროც აღარ არის

„კიდევ ერთ ლექსს წაგიკითხავთ“ და კითხულობს კითხულობს ლექსებს კითხულობს ლექსებს ლექსებს ლექსებს 80 წლის პოეტი 60 წლის პოეტი 40 წლის პოეტი (...)

შვილიშვილს რა თქმა უნდა სათამაშოების შოკოლადის ფერად-ფერადი ბუშტების კარუსელების გამო ნაცარქექიას ნიქარას ხუთკუნჭულას ჩხიკვთა ქორწილის გამო ჭკვიანი ჰანსის წითელქუდას ჩიპოლინოს პინოქიოს გამო მფრინავი ხალიჩის ჯადოსნური ლამპარის ჩექმებიანი კატის ფიფქიას და ალისას გამო გუნდაობის ციგაობის ნაძვისხის თოვლის პაპის გამო პატარა ტალღებთან თამაშის კენჭების შეგროვების ქვიშის სასახლეების შენების გამო

აბა სხვა რის გამო

ეს ხუჭუჭა, ქერათმიანი, პატარა ბიჭი ორი წლის წინ არსად იყო, ახლა კი — მშობლებთან ერთად — სტამბოლიდან შენევაში თვითმფრინავით მოგზაურობს, თან წამდაუნწმ სავარძლიდან გადმოხტომას ლამობს, ჩემკენ იხედება და მილიმის... სიცილსაც დამაყრიდა — ასე გაუნძრევლად, ასეთი სერიოზული გამომეტყველებით რომ ვზივარ საფრენ აპარატში... უბრალოდ — სიცილი ჯერ არ ეხერხება...

რა სჯობია ჩაქვისთავს, ჩვენს პატარა დეღე-ღურდანს, ამ ტყეს, ამ წყალს, ამ წყლის წისქვილს, ამ ასნლოვან ოდას თუნდაც? რა სჯობია ნაბლის თაფლს, რა სჯობია თაფლის არაყს?.. მჯობნს მჯობნი არ დაეღევა — ვიცი, კარგად ვიცი, მაგრამ

მაინც რა სჯობია ჩაქვისთავს, თავის თავს რომ ძალიან ჰგავს?..

ჭიკჭიკებდით, ჭიკჭიკებთ და იჭიკჭიკებთ მუდამ, იმიტომ რომ თქვენ რაც გინდათ — ბუნებასაც უნდა, ასე უნდა, ასე მოსწონს, ასე არის კარგი, განა ყოველს გააჩნია ნახაზი ან თარგი? ჭიკჭიკს ახსნა არ სჭირდება — ჭიკჭიკებს და მორჩა! ვინ ჭიკჭიკებს, სად ჭიკჭიკებს — მოჩანს და არც მოჩანს. ჭიკჭიკი არ მოგებზრდება, ჭიკჭიკი არ დაგღლის... ვაგლახ, ჭიკჭიკს ვერ ვახერხებ, დავეყფ, როგორც ძაღლი...



...უფრო ადვილი წარმოსადგენია რომ შენთვის ასე ძვირფასი აღამიანი უხილავ ფრინველად იქცა და სადღაც ამ ცის იქით ბინადრობს...

ხომ არ მივაკითხო, დავეკითხო მკითხავს: როდის მომიკაკუნებს, როდის მომაკითხავს ის, რომელსაც უჭირავს ჯადოსნური ცელი — ხან რომ მიქაელია, ხან რომ გაბრიელი, იქნებ ურიელია, იქნებ ვინმე სულ სხვა... ერთი ვიცი — სულელების შეგროვება უყვარს.

მეც ვაგროვე რამე-რუმე — ერთხანს მეც დავავადდი, ანუ კარგად ვიცი — რაა შეგროვების აზარტი: აგროვებ და აგროვებ და მაინც გეცოტავება, ახალ-ახალს ეხარბები — ახალი არ თავდება!

ჰოდა, როგორ გავამტყუნო მოთამაშე ძველი — ხან რომ მიქაელია და ხან რომ გაბრიელი?..



მე უბრალოდ მინდა —  
შევემზადო სული:  
დახვდეს სალსალამათი,  
მორთულ-მოკაზმული!

\*\*\*

ცნობილი ამბები ცნობილი სტილით

10 ნელს — კიდევ?...  
ჰა-ჰა — 20-ს?  
ჰა-ჰა-ჰა-ჰა — 30-ს?...  
ჰა-ჰა-ჰა-ჰა-ჰა-ჰა —  
ცოტაა...

ცოტაა თუ ბევრია,  
ცხადი მხოლოდ ესაა —  
ხვალ ვერასდროს ვიქნები,  
მე ყოველთვის დღესა ვარ...  
10 ნელი დღეის დღე,  
20 ან 30...

ბოლოს გაჩერებული  
დაიძვრება საათი...

და ასეც:

თვალთმაქცობაც ოდითგან  
სიბრძნის ერთი დარგია...



მინის ქვემოთ — ცუდია,  
მინის ზემოთ — კარგია!..

\*\*\*

იძულებით მოძუნძულეებს

ბევრი ვსვი და ცოტა ვწერე...  
დრო სულ უფრო სწრაფად მირბის:  
როგორ გამითეთრდა წვერი,  
როგორ გამეზარდა ღიმილი!  
ჰოდა, მორჩა — ამიკრძალეს:  
წნევა მიწევს, გული მტკივა —  
უნდა მოვერიდო ქალებს,  
უნდა დავივიწყო „პივა“,  
არაყიცი და თეთრი ღვინოც  
(მხოლოდ შავი — ისიც ოდნავ),  
დილაობით გავიბრბინო  
2 კმ, სტადიონთან  
მივძუნძულდე, ვივარჯიშო,  
მოვძუნძულდე მერე უნდა —  
იყოს ხვატი, იყოს ყინვა,  
თავს დამატყდეს სეტყვა თუნდაც!  
არც — ჩანახი და არც — ხაში!  
სიგარეტი — აჰ-ჰა-ჰა-ჰა!  
აბი — პირში, ოყნა — ტანში  
და სუფთა ჰაერის ყლაპვა!

ვირბენ შუქში,  
ბნელში ვირბენ —  
ცა რომ სულაც ჩამოიქცეს!..  
თუმცა...  
მალე ხომ ისედაც  
გავიქცევი დროს და სივრცეს?..

### ნინო სადღობელაშვილი

#### ცისფერი პარანაზი

მზის ფოთლები მჭვირვალეებენ გუმბათების ჩრდილში,  
იასამანს ცისკენ გააქვს ლაფვარდების ბოლი,  
დგახარ მკლავებგაშლილი და შენს მოლობილ სივრცეს  
გაზაფხულში უღვივდება ნამიანი ბოლო...

ბზის ბლიკზე ბავშვი მორბის, შენი მოძმე თუა,  
მუჭით მკვდარი ჩიტი მოყავს — კიდევ გაუცოცხლო,  
ამ თამაშებს, უცნაური სიყვარულით მღუარს,  
ნადვლიანი ჯამბაზები ხვალ თუ გაუძლებენ...

შენ კი დგახარ მკლავგაშლილი, შენს ეზოში მზეა,  
დედაშენი მაგ თბილ ტანზე ცისფერ პერანგს გიქსოვს,  
დგახარ ასე გაუნძრევლად, მერამდენე დღეა,  
დილის ღრუბელს გაზომებდნენ გასაფრენად თითქოს.

დედამ მკერდიც აათავა, საყელოსკენ მიქსოვს  
და მკლავებზეც, როგორც სარზე პამიდორის ჩითილს,  
ისე ფრთხილად მოახვია აბრეშუმის სითბო,  
ისე კენკა თვალდათვალი, ვით მარცვალი ჩიტმა.

შემოვიდნენ მეზობლები, ჭის ქონგურთან დასხდნენ,  
მასლაათით მოიძინეს წუთისოფლის ოფლი,  
თან თვალს თქვენკენ აპარებდნენ,  
ვერ გაუძლეს — ადგნენ,  
თქვეს: ამხელა მორჩილებას რა სიმშვიდე ყოფნის!

დედა მოქსოვს საყელოსაც, ვიდრე გათენდება,  
შემოგაჭდობს აბრეშუმის უნაკერო პერანგს,  
დედამ იცის, მალე შენი ცეცხლი აენთება,  
დრო სიკვდილთან ჩამოსაჯდომს  
სამი დღისთვის ზვერავს...

დედამ იცის, ამ პერანგზე ღვინო დაგექცევა,  
იცის, ცუდის ნიშანია, ცა თავისას ითხოვს,  
დედა ხედავს: თეთრ ღრუბელზე ხელმწიფურად წევხარ  
და ურღვევი პერანგიდან სიყვარული გითოვს...

დედაა და, შენს პერანგებს უნდა მოუაროს,  
ჯვარნაცვამი შეინახოს, მკერდის ძირში შეფლას,  
მერე, ჭირისუფლის წესით, სხვებს ჩამოუაროს,  
დაარიგოს, გულით უთხრას, რაც სიტყვებით ვერ თქვას.  
...

მზის ფოთლებში მჭვირვალეებენ განთიადის ხმები,  
ბნელ სიზმრიდან იშმუშნება სახლი: დედამინა,  
დგახარ მკლავებგაშლილი და შენს ნაშუქზე ღვებია,  
ვისაც მთელად, გაუხდელად შენი სიტყვა ეცვა.

\*\*\*

მთებზე გადმოდგება ჩემი ნანდაური,  
მოჰყვება ირმების ჯოგი,  
მკლავზე გადაიფენს მთვარის ნართაულებს,  
ღრუბელს არ დაუჩოქებს.  
ნეტავ რას ვამსგავსო ჩემი ნანდაური,  
ეს ჩემი დარდების ალე,  
გავუშლი ლოგინად ბალახის სასთაულებს,  
და ჭერად — ნეკერჩხლის თალებს,  
საიდან მოვალის შორით სადაური,  
შეშურდეს სიკვდილსაც გზაი,  
მთებზე გადმოდგება ჩემი ნანდაური,  
დახვდება თავისი დაი,  
იმათი შეყრისგან ელვით გაავდრდება  
და მერე მზით გაიდარებს...

\*\*\*

არ გამოფინო ტკივილის ფარდაგები,  
რაც უნდა სიყვარულის ყვავილები  
ეხატოს გულზე,  
რაც უნდა მშვენიერი იყოს  
ჩუქურთმა —  
სისხლძარღვების ატყორცნილი ცამდე  
ლერწამი,  
რაც უნდა ლამაზი იყოს —  
სინამდვილის ლურჯ ბალღამში  
ჩანობილი სულის ფოთლები,  
სველი ფოთლები,  
გაცვენილი შემოდგომა,  
მზეგარდასული...  
რაც უნდა მრისხანე და  
დიდებული იყოს სინათლე —  
ფარდაგების ხაოდან რომ ამოასხივებს,  
არშეების ბორჯღალებს რომ  
თავბრუსხვევით დაატრიალებს,  
რომ ჩააქრობს სიკაშკაშით  
სხვა ვარსკვლავებს,  
რომ ჩაფერფლავს,  
ჩააწყვდიადებს...  
არ გამოფინო ტკივილის ფარდაგები,  
არამედ ჩანექი მასში და  
ოთხივე მხრით ამოიგე,  
გაეხვიე, როგორც  
თესლი — მინის საბანში,  
თავზეც მისი ჭრელი ფოჩი გადაიფარე,

შენი ცაა, შენი სახლია,  
მარცვალი ხარ — ფარდაგებში უნდა  
გალვივდე,  
ეგებ მოხდეს — თოთო ფესვიც  
ამოიყარო,  
და ეგ ფესვი, იცოდე რომ —  
გაზაფხულია!

#### ქარისპირული

მზემ გაგიხსნა დარაბები, დილაო და ნანა,  
მოგამზადებთ, ჩვენ შეგმოსავთ, ვარდის წყალო ნანა,  
თავზე იას, შუბლზე — ზამბახს, გულის ბჭეო ნანა,  
მუხლებს ღრუბლის წვენში გაგბანთ, სალაყვარდე ნანა...

მიგაცილებთ კარიბჭემდე, შენ არ შეშინდო,  
მინდორზე კრავს გაგაყოლებთ, ჩვენ კი შეგვინდო —  
ამ ნაპირზე იფურჩქნება ჩვენი შებინდება,  
შენ კი, ბალახს ფეხს რო დაკრავ, მეტი მოგინდება...

ვარსკვლავებს რომ ჩამოურბენ, ადრიანო ცაო,  
არ დახარბდე, ყოველ ჩქერზე ხელი დაუცალე,  
მანაც შიშვლად იბადები, სიყვარულის ცალო,  
ვერ გამოცვლი იმ შენს ვარსკვლავს,  
ცაც რომ გამოცვალო,

უკან აღარ მოიხედო ლურჯთვალეა ნანა,  
მიგელიან შენს ნაპირზე, ყვავილებით დგანან,  
შენზე უფრო ჩვილებია, უმწეონი, ნანა,  
მშობლის ენადავიწყებულ უცხო მგზავრებს ჰგვანან...

არ შეშინდე, ციცქნა ძვლებით ამ ცის ხსოვნას გატანთ  
და როდესაც ქარი მოვა და ფრთებს შენზე გაშლის,  
შენი ძვლები იმღერებენ მაგ სიმღერას ქართან  
და იღებენ სამყაროში ფრთაგაშლილი ბავშვი.

მზემ გაგიხსნა დარაბები, დილაო და ნანა,  
მორჩა დავიდარაბები, მალე გაჩნდი, ნანა...

#### სიყვარული საყდრისა და კრავის ლ-ს

მოდგებიან, მოგვიგონებენ:  
მთების ქათბიში  
საყდარი იდგაო და,  
იმ საყდრის წინ  
კრავი დარბოდა,  
ჩვილი ქუსლით ბალახს თელავდა,  
მატყლით ზეცის ბირკა დაჰქონდა,  
საყდრის კარი ღია იყო,  
ზედ მთვარის ნალი ება,  
ელავდნენ ღრიჭოები  
თავახდელ გალიებად,  
ან კრავს იქ რა უნდოდა,  
ვინ რისთვის დატოვა,  
სხვა დედას მიუგდო  
სანთლიან, გაჭვარტლულ,  
თაფლისფერ ძუძუსთან,  
თვითონ წავიდა და უფსკრული გატოვა.  
ან ვილა გაიგებს,  
რას სწირავს თავს კრავი,  
ან ძველი საყდარი  
ვის ლოცვას იგუბებს,  
დგანან ერთმანეთის ნარჩოლარ  
ჩრდილებში  
და მზეს იცოხნიან,  
როდესაც იღრუბლებს,  
და უკიდევანოდ არიან მარტონი  
ტრიალებს მათ თავზე  
სიჩუმის ბორჯღალი,  
გადაეცლებიან ვარსკვლავთა წვიმები  
მათ ფიქრებს, მათ დარდებს  
სიკეთით მორწყავენ...  
მოგვიგონებენ,  
მოგვდგებიან,  
გადაგვხელავენ,  
რომ გვიპოვონ სადმე საზღვარი,  
რომელი ვინ ვართ,  
მე — კრავი თუ ან შენ  
საყდარი,  
ან პირიქით,  
ან ძალიან,  
ან იქნებ სულაც...  
უვლია ცას და, ჩვენთან ერთად  
სადღაც წასულა...





\*  
 იყო და არა იყო რა, ღვთის უკეთესი რა იქნებოდა. იყო ისეთი დროც, როცა ღვთის გარდა მართლა არაფერი იყო. ღმერთმა ბევრი იფიქრა და გააჩინა: ცა და მიწა, წყალი და ჰაერი, ნათელი და ბნელი, ცხოველები, თევზები, ფრინველები, ხეები, ყვავილები, ტყეები, მთები და მინდვრები. ნელ-ნელა აივსო სამყარო და ნამდვილ და ნორმალურ სამყაროს დაემსგავსა.

გააჩინა წვიმა, თოვლი, ცისარტყელა, ყინულის ლოლუები, ირმები, დათვები, ციყვები... აივსო ნელ-ნელა დედამიწაც და ნამდვილ და ნორმალურ დედამიწას დაემსგავსა. ტყეები ცხოველები დაბინადრდნენ, ზღვებში თევზები, ადამიანი კი არსად ჩანდა. ძნელი წარმოსადგენია, მაგრამ ნამდვილად იყო ასეთი დრო, როცა სამყაროში ადამიანი არ ცხოვრობდა.

\*  
 „ — არცერთი? სულ არავინ?  
 — ჰო, სულ, სულ არავინ!  
 — არც ბავშვები?  
 — არც ბავშვები, არც დიდები, არც მოხუცები! არავინ!  
 — ნასულები არიან სადმე?  
 — არა, ნასული და მოსული კი არა, არც დაბადებულან. არც არავინ იცოდა, როგორი იყო ადამიანი“. — აი, ასეთი საუბარი გაიმართებოდა ამ ზღაპარში, ზუსტად თქვენსებელა გოგონა და ბიჭი რომ ცხოვრობდნენ. მაგრამ აქ არავინაა. როგორც იმ დროს. დედამიწას არც ბავშვები ჰყავს, არც დედა და მამა, არც ბები და ბაბუა, რომლებსაც ბავშვები უამრავ კითხვას დაუსვამდნენ ზღაპარშიც და სინამდვილეშიც.

მაგრამ ჩვენც ახლა იმ დროში უნდა გადავსახლდეთ. ვითომ, ვითომ... მოდი გადავხიოთ ერთი ამ მთებსა და მინდვრებს, ეგებ გამოგვეპასუხოს ვინმე. აბა, ერთად: — ჰეიიიი, ჰე-ჰეიიიიი, ადამიანოოოო, არის აქ ვინმე?

აი, ხომ ვითხარით, არავინ გვცემს ხმას. ან როგორ გავცემს, ადამიანი ხომ ჯერ არც გაჩენილა.

\*  
 ყველა, სულიერი თუ უსულო, გრძობდა, რომ სამყაროს რალაც ძალიან მნიშვნელოვანი და ძალიან საინტერესო აკლდა. თენდებოდა, ღამდებოდა, მაგრამ რალაც მაინც ისე არ იყო... მოდიოდა გაზაფხული, მერე ზაფხული, მერე შემოდგომა, და ბოლოს ზამთარი. თოვლით იფარებოდა მიდამო. მაგრამ თოვლსაც ბეზრდებოდა მარტობა და დნებოდა. თოვლსაც უნდოდა, ადამიანის ხელში გუნდად ქცეულიყო და ეთამაშა. თოვლსაც უნდოდა, ბავშვების ფანჯრის წინ დახვავებულიყო და თვალბეჭდით თავისი ქათქათა სინათლე შეეფრქვია ახლადგადვილებული პატარებისათვის. „თოვლი მოსულა, თოვლიიიიიიი!“ — აი, ამის გაგონებაზე ოცნებობდა სულ, მაგრამ ოცნება ოცნებად რჩებოდა თოვლისთვისაც. „ბრაბ!“ — ხანდახან ციყვი თუ ჩამოაგდებდა ტოტიდან ფუმფულა კუდი თოვლს და ისევე ფულურში შევიდოდა კაკლის ჩასახრამუნებლად. დათუნისაც ბუნაგში ეძინა. თუ შიმშილი შეაწუხებდა, გაიღვიძებდა, გარეთ გამოვიდოდა, არც ეგ იყო საშიში! მოშიებულ დათვის ხომ ფიჩხისათვის ტყეში წასუ-ლი ბავშვი ვერსად შეხვდებოდა.



მარიამ ნიკლაური

# ზღაპარი სამყაროსა და ერთ ბაჭიაზე

\*  
 ღამ-ღამობით, ძილი რომ არ ეკარებოდათ, ერთი უსახელო ძაღლი ეუბნებოდა მეორე უსახელო ძაღლს: ეჰო, ადამიანი რომ იყოს... მივიდოდით მასთან სახლში, ვიმეგობრებდით, მის კარ-მიდამოს ვუდარაჯებდით და ერთადაც ვითამაშებდით, ჰამო, ჰამო! ანუ ეჰო, ეჰო! უსახელო რატომ იყო, ამას აღარ აგინდის. ისედაც მიხვდებით, რომ ძაღლს სახელს მხოლოდ ადამიანი არქმევს. ჰოდა, მაშინ სახელი არავის ერქვა: არც ძაღლებს, არც კატებს, არც ზაზუნებს, არც თუთიყუშებს და არც ზღვის გოჭებს. კვიცებს, ბოჩოლებსა და ჩოჩრებს აბა, ვინდა დაარქმევდა სახელს? ლოკოკინები უხმაუროდ დაცოცავდნენ. მგონი, ადამიანის გამოჩენას არც ელოდნენ, რადგან პანია სახლებში ცხოვრობდნენ და იქ სტუმარს ვერ მიიღებდნენ. თუმცა ცდილობდნენ, რადგანც მაინც მოეწონებინათ თავი მომავალი ადამიანისათვის და ვერცხლისფერ კვალს ტოვებდნენ გზებზე, რომ ადამიანს, როცა ის მოვიდოდა, ადვილად ეპოვა მათი გზა-კვალი.

\*  
 დილით, უთენია, ერთი ჩიტი ეუბნებოდა მეორეს ჩიტების ენაზე: ადამიანი რომ იყოს, შემოვსხდებოდით მის ეზოში ყველაზე ლამაზ ხეზე და ვიჭიკჭიკებდით. იმასაც გაუხარდებოდა და ჩვენცო. შემოვცახებდით: შენს პირს შაქარიო, კარგი ამბავიო! ოქროს ნისკარტიო! და ჩვენც მოვუყვებოდით კარგ ამბებსო. მაგრამ ახლანაა გვე-ჭიკ-ჭიკებო! ანუ ეჰო, ეჰო! ხანდახან იმაზეც ლაპარაკობდნენ ეს ჩიტები, როგორ ნახეს ერთხელ, სიზმარში, უცნაური და ლამაზი არსება, რომელსაც არც ფრთები ჰქონდა, არც ნისკარტი, არც ბუმბული, მაგრამ მაინც ძალიან ლამაზი იყო. ნამცეცებს უყრიდა მათ თოვლში. ეს ნამცეცები ისეთი გემრიელი იყო, ისეთი გემრიელი, ცხადში არაფერი მსგავსი ეჭამათ ჩიტუნებს. ასეთ უცნაურ სიზმრებს ნახულობდნენ მაშინ ჩიტები. არნივი კი სულ მაღლიდან ზვერავედა გარემოს: ეგებ, გამოჩნდა და პირველმა შევამჩნიო!

\*  
 ყველაფერი მოწყენილი იყო ირგვლივ. მზე, მთვარე და ვარსკვლავები დაჰყურებდნენ დედამიწას და ერთმანეთს ეუბნებოდნენ:

— ასეთი ლამაზია ეს დედამიწა, მაგრამ ადამიანი რომ ცხოვრობდეს აქ, უფრო ლამაზი იქნებოდაო.

დედამიწაც დაღონებული იყურებოდა გარშემო: — რა ლამაზია ეს ცა და ვარსკვლავები, მაგრამ ადამიანი რო უყურებდეს ამას, უფრო კარგი იქნებოდაო.

რამდენ ზღაპარს დაწერდაო, რამდენ ლექსსო. ეჰო, ამოიხრებდა და შეზანზარდებოდა მიწა. ჭიანჭველები იტყოდნენ, რა ზანზარებსო და ამოძვრებოდნენ თავიანთი სახლებიდან ზევით. ერთი ჭორიკანა ჭიანჭველა იტყოდა, ალბათ დიდი სტუმარი მოდისო, მაგრამ არავინ ჩანდა. და ისევე ნელ-ნელა ჩაძვრებოდნენ მიწაში. ამასობაში თან საგზაღს წამოავლებდნენ ფეხს, შეიგდებდნენ ზურგზე მოზრდილ ლუქმას. აბა, ტყუილად ხომ არ მოვცდებით, უშრომლადო. თან სტუმრის მოლოდინშიც იყვნენ და უნდოდათ სახლში სანოვაგე უხვად ჰქონოდათ.

\*  
 ზღაპარი ჩუმ-ჩუმად იცრემლებოდნენ. ზოგჯერ ზემდეტადაც ლელავდნენ.

ნაკადულებიც და მდინარეებიც იცრემლებოდნენ: — რა იქნებოდა ჩვენს ნაპირზე ადამიანი ცხოვრობდესო. მარტო თევზები-სთვის ხომ არ გავჩნდითო? ესენი მშვენივრად გრძობენ თავს და არასდროს წყურიათო, არასდროს ცხელათო. ადამიანი კი დაღევდა ჩვენს წყალს, მიწასაც მორწყავდა და მოსავალსაც მიიღებდაო. საქონელსაც დაარწყულებდა და სიცხეში კიდევაც გაგრილდებოდა ჩვენ ჩქერებში. და კიდევ მეტად ჩაახვევდნენ ქვებზე თავიანთ ქოჩორა ტალღებს. ჩუხ-ჩუხ! ჩუხ-ჩუხო! ანუ ეჰო, ეჰო!

ბაყაყი კი სიცილით იჭაჭებოდა წყლის ნაპირზე, ერთი ვნახო, ის თქვენი ადამიანი, რომ მოვა, მერე დამაფასებო! მიხვდებით, ჩემზე ლამაზი და ჩემზე ჭკვიანი რომ არ იქნებო! და ისე გაიბერებოდა, გეგონებოდათ, ესაა და მთელი სამყაროს ბატონ-პატრონობის ღირსიაო. ამოუშვებდა მერე უდარდელ სიმღერას.

„ყი-ყი, ყუა-ყუა! ყი-ყი, ყუა-ყუა! ყი-ყი, ყუა-ყუა!“ და აღარ დაასრულებდა. გაბრაზებული წყალიც უფრო და უფრო სწრაფად გაცელებოდა იქაურობას და თავქვე აგრძელებდა გზას. ხოლო კნჭები კიდევ უფრო ღრმად ჩაეფლობდნენ ტლაპარში თავის დედიკო ქვებთან ერთად, ეგებ როგორმე დაგვეძინოს ამ ყიყინშიო.

\*  
 ტყეებს ხომ ფოთლის გამოტანაც არ ეხალისებოდათ. სიმარტოვეს გრძობდნენ. არავინ კრეფდა მათ სიღრმეში სოკოს და კენკრას, არავის გაჰქონდა მათი ნობათი: სხვადასხვანაირი ხილი, კაკალი, გირჩები, არც ფიჩხი, არც ველური თაფლი, არავინ უგდებდა ყურს ფრინველთა ჟიჯივის. ტკაც! ჩამოტყდებოდა ხეს ტოტი, რაც ტყის ენაზე ნიშნავდა: ეჰო, ეჰო! ხანდახან ტყეში მგელსაც დაინახავდი. დადიოდა, დაეძებდა ვილაცას. მერე შეჰყვებოდა მგლის ენაზე: ადამიანო, მოდიიიი, მომბეზრდა მარტობაო, მგლობაც მომბეზრდაო. მგელი იყო, მაგრამ უნდოდა ზღაპრის ლამაზ ნიგნში ეცხოვრა. ისეთ ზღაპარზე ოცნებობდა, რომელშიც არც ნითელიქუდას ჩაყლაპავდა, არც ბეკეკას, იქნებოდა კეთილი და ყველას ეყვარებოდა. ეს კი ადამიანის გარეშე ვერაფრით მოხერხდებოდა. მარტო მელაკუდა დასუნსულებდა და ტყის ქათმებს უყურებდა ეშმაკურად. ფიქრობდა თუ არა ისიც ზღაპარში ცხოვრებაზე, არავინ იცოდა. მგონი, მაინც ჩიჩია ერჩია ზღაპარს.

\*  
 ნიანკი რომ ნიავია, ისიც უაზროდ დაეხეტებოდა უდაბნოში. მისთვის მთელი დედამიწა უდაბნო იყო, რადგან არსად ეგულებოდა ადამიანი, რომელიც მუშაობით დაღლილი, გაოფლილ გულმკერდს მიუშვერდა და ეტყოდა: დალოცვილი, ნია-ვიო! არც ქარს, არც ნისლს, არც ღრუბელს, არავის ეგულებოდა თავის მესაიდუმლედ ადამიანი. ქარი ზუოდა: ეჰო! ღრუბელი წვიმდა და გრუხუნებდა: ეჰო! ნისლი სულ გაქრებოდა და გადაიკარგებოდა, აქ დიდი მონყენილობაო, ეჰო! გაბრაზებული ვულკანები კი ხანდახან ცეცხლსაც ამოაფრქვევდნენ, იქნებ დაგვინახოს ადამიანმა და მოვიდესო, რომ ასე გულდათუთქულეები აღარ ვიყოთ მარტობითო.

რა იცოდნენ ვულკანებმა, რომ ცეცხლით თამაში ძალიან საშიში იყო. ეს რომ ცოდნოდათ, ცეცხლის მაგიერ ან ბატიბუტს ამოყრიდნენ, ან ლიმონათს ამოაფრქვევდნენ. აი, რა უყვარს ადამიანს ცეცხლზე უფრო.

\*  
 ჭრიჭინები ღამ-ღამობით გაიძახოდნენ: ადამიანო, მოდი ჩვენთან! ნეტავისთვის არის ეს ლამაზი მინდვრებიო. მოდი, შემოსუპდი შენც ამ ბალახის ღერზე და იჭრი-ჭინო, ჭრიო-ჭრიო! კალიებიც აქეთ-იქით დახტოდნენ: არა, აქეთ ვიპოვებთ ადამიანს და არა, აქეთო. ხან მარჯვნივ გადახტებოდნენ, ხან მარცხნივ, მაგრამ ამაოდ. ადამიანი არსად ჩანდა. ჭიანჭველები მიწაში ჩაძვრებოდნენ და ეძებდნენ, მუხლუხობები ხეებზე დახოხავდნენ, იქნებ აქ აძვრაო, მაგრამ ადამიანი არსად ჩანდა. პეპლები, ფუტკრები, კრაზანები, ხოჭოები ველ-მინდვრებში, ყვავილების გულეებში დაეძებდნენ: ბზზზზზზზზზ-ბზზზზზზ! ეს მწერთა ენაზე ნიშნავდა: სად ხარ, ადამიანო, სადო? ანუ ეჰო! ეჰო! ობობები კი ბადებდნენ აბამდნენ ბარდებზე, ეგებ ადამიანი გავაბათ და





ჩვენთან დავტოვოთ, რომ ერთად ვითამაშოთ ობობობანაო. არცო დაჭყრობანაო, არცო დამალობანაო, მარტო ობობობანაო.

\*
ყვავილები ხშირ-ხშირად ამოდოდ-ნენ მინიდან, მიმოიხედავდნენ, მაგრამ ადამიანს რომ ვერ დაინახავდნენ, დარდით ჩაჭკნებოდნენ და ისევ მინაში ჩავიდოდნენ. ბალახიც ასე იყო, ამოვიდოდა, ერთხანს გაყურსული დაელოდებოდა, ეგებ გამოჩნდესო, მაგრამ არავინ ჩანდა და ისიც მინას უბრუნდებოდა. მათ ეგონათ, რომ ადამიანს კარგი სურნელი უნდა ჰქონოდა, თავზე ბალახი, და აუცილებლად სამკურნალოდაც გამოსადეგი ყოფილიყო, განა მხოლოდ საჭმელად და საძოვრად? მაგრამ არავინ ჩანდა, ჰოდა, ბალახიც და ყვავილებიც ისევ შეიკეტებოდნენ მინის სახლებში და ისევ დიდი მონყენილობა დაისადგურებდა მინდვრებში. მხოლოდ ერთი ყრანტალა ყვავი თუ დაინყებდა შიშველ მინდორში ბორიას და ისიც ვერავის რომ ნახავდა, თავისი ბუდისკენ გაფრინდებოდა: „ყვავილებო, ყვავილებო, ნეტა რატომ არ ჩანს ადამიანიო. ყველს ხომ მაინც მაჭმევდა, თუ თავლაკვერებს არაო“. თავუნია სიცილით კვდებოდა ყვავის სიტყვებზე: ელოდე, ელოდე, ადამიანი თავლაკვერებს რომ გაჭმევსო!!! მერე წინა თათს საფეთქელთან მიიტანდა, აფრენსო და თავის სოროში შეძვრებოდა: „ამ ყვავს მე არ ვეგონო თავლაკვერა და არ შემჭამოსო“.

\*
ძაღვს ეგონა ყეფა ეცოდინებოდა. ჩიტს ეგონა, ორი ფრთა ექნებოდა და იჭიკჭიკებდა, ფუტკარს ეგონა — თავლს შეაგროვებდა, ზღვებსა და ნაკადულებს ეგონა — ისიც თევზს ემსგავსებოდა, მაგრამ უფრო ლამაზი და უფრო დიდი იქნებოდა. სიდიდემი ზღვეები ვეშაპს კი არ გულისხმობდნენ, არამედ ჭიჭყინას ლიფსიტას! თან როცა რამეზე გული დასწყდებოდა და ცრემლი ჩამოუგორდებოდა თვალიდან, ამ ცრემლს აუცილებლად შეამჩნევდა სხვაც, განსხვავებით თევზებისაგან, რომელთა ცრემლი წყლის მტეს არავის ენახა დედამიწაზე. რვაფეხას უნდოდა, ვინმე მასავით ბევრხელეობისათვის ჩამოერთმია ხელი და ფიქრობდა, რომ ასეთი ადამიანი იქნებოდა. ხეებს ეგონათ ისიც ხესავით დატოტვილი იქნებოდა, დიდ ფესვს გაიდგამდა მინაში და ცას მისწვდებოდა კენწეროთი, ხელებზე ანუ ტოტებში კი უამრავი ბუდე ექნებოდათ ჩიტებს. ბუდემი ბარტყები გაიზრდებოდნენ. შეიფარებდა ციყვებს, მათთვის ფულუროებს კაკლით ამოივსებდა და სულ, გამუდმებით იშრიალებდა. ქარს კი ეგონა გამჭვირვალე იქნებოდა და უსხეულო, არც სახლი ექნებოდა არც კარი, ივლიდა და ქვეყნიერების ამბებს გაიგებდა და ვეება მტერის თაიგულებს შეაგროვებდა.

დედამიწას ეგონა ადამიანი შვილიმინა იქნებოდა, ერთმანეთზე რომ ეზრუნათ და ერთმანეთისათვის მოეკლოთ. მზე ფიქრობდა, ჩემსავით გაათბობს და გაახარებს სხვასო. როცა მე დავიღლები და დავიძინებ, ღამით ის გაანათებს დედამიწასო.

\*
რაღბ ბევრი გავაგრძელოთ, ყველა სასწაულს ელოდა.. მაშინ ღმერთიც დედამიწაზე ცხოვრობდა. აშენებდა და ახარებდა უამრავ მცენარეს, გააშენა ულამაზესი ბაღები, ვენახები, ყანები. ამ შრომაში გავიდა უამრავი დრო, ღმერთიც მოხუცდა და გადანყვიტა ცაში წასვლა. არ სურდა აქაურობის უპატრონოდ დატოვება.

მთელი ეს დრო ღმერთი ფიქრობდა, როგორი უნდა ყოფილიყო ის, ვისი დაბადებაც ყველას ერთნაირად გაახარებდა. ვინც ყველას და ყველაფერს მოუვლიდა.

\*
ერო დღესაც ღმერთმა სამყაროს უთხრა: გაკვირდებით და ვხედავ, რომ ყველანი ელოდებით ისეთი არსების მოსვლას, რომელიც თქვენი მსგავსი იქნება, თქვენი მეგობარი გახდება და თავს მარტო არ იგძნობთ. მინდა, ისეთი ვინმე გაგიჩინოთ,

ვინც უცხოვდ არ დაიგულებს თავს თქვენ შორის, ვისაც თქვენ ეყვარებით და მოგივლითო. ამისათვის კი თქვენი დახმარებაც მჭირდება: მოდით, ყველამ გაიღეთ ის, რაც გაგაჩნიათო. შევაგროვებ და ჩემსას დავუმატებ, ჩვენიანად რომ იგრძნოს თავიო. არასდროს მოუნდეს სხვანაირად და თქვენი მიტოვება, თქვენი ენაც იცოდეს, თქვენი ნირი და ბუნებაო. დე, ჰქონდეს მას თავისუფალი ნება, გონება, მაგრამ ახსოვდეს, რომ ამ სამყაროს ნაწილია და ჩვენიანიაო.

\*
და აფუსფუსდა მთელი სამყარო! მოსაფიქრებლად დიდი დრო არავის დასჭირვებია, ატყდა ხმაური, ყიჟინა, გადაძახილი. დედამიწამ თქვა: აი, მე ჩემს ხეულს გაძლევ, ყველა მინერალი, რაც გამაჩნია, რისგანაც შევდგები, და რასაც „მინა“ ჰქვია, ადამიანისთვის დამითმიაო. მდინარეებმა, წყაროებმა, ოკეანეებმა და ზღვებმა ყველანაირი წყალი შეაგროვეს და ღმერთს მიართვეს ადამიანისათვის.

ასევე მოიქცნენ სხვებიც: ნადირ-ფრინველი, თევზები, მწერები და ქვეწარმავლები, ყვავილები და ბალახები, ქვევებიც კი დამწკრივდნენ ღვთის კარზე და თავიანთი ნაწილი გაიღეს ადამიანისათვის. ქარმა, რომელსაც სხეული არ გააჩნდა, თავისი ენერგია, ანუ ძალა მიუტანა ღმერთს... ღმერთი ბედნიერი იყო, მას ყველაფერი ჰქონდა ხელთ, რომ ამ სამყაროს საუკეთესო ქმნილება გამოეძერწა. და, რაც მთავარია, კიდევ ერთხელ დარწმუნდა, როგორი კეთილი იყო სამყარო.

\*
იმდენი მასალა ჰქონდა, იმდენი მასალა, ძერწა და ძერწა ღმერთმა კაცები, ქალები, ბავშვები. ყველაფერი, რითაც სამყარი იყო შექმნილი, ახლა ადამიანში იყრიდა თავს. იმუშავა ღმერთმა მთელი გრძელი დღე და ბოლოს თავისი ღვთებრივი სულიც ჩაუდგა ამ უცნაურ ქმნილებებს, რომლებიც გაცოცხლდნენ და არავის, სულ არავის ჰგავდნენ დედამიწის ზურგზე. ბოლოს და ბოლოს ხომ, არც ღმერთს ჰყავდა აქამდე ნანახი ადამიანი. ძალიან უნდოდა იგი ყველაზე ლამაზი და ყველაზე გონიერი ყოფილიყო. თავის სულს უდგამდა და, მგონი, სწორედ ამიტომაც ადამიანი ღმერთს უფრო ემსგავსებოდა, ვიდრე ფრინველსა და ცხოველს, ან ყვავილსა და თოვლს.

ზოგი თეთრი მინისაგან ძერწა, ზოგი — შავი მინისაგან, ზოგიც — ყვითელი მინისაგან. ამიტომაც ადამიანები სხვადასხვა ფერისანი გამოვიდნენ: თეთრკანიანები, ყვითელკანიანები და შავკანიანებიც, სხვადასხვა ფერის თვალები გაუკეთა, სხვადასხვა ფერის თმა. მაგრამ ერთი რაზეც ძალიან იწვინდა, და ბოლოს თავი გაანება, ის იყო, რომ შავკანიან ბავშვებს ვერაფრით დაამჩნია პაჭუა ცხვირზე და ლოყებზე ჭორფლი. არადა ძალიან უნდოდა, რომ ყველა ბავშვს ჰქონოდა, რადგან განსაკუთრებით უხდებოდათ პატარებს ჭორფლი. მერე როცა მათ სიცოცხლაც აჩუქა, გონებაც მისცა, მხედველობა, სმენაც, ყნოსვაც, გემოც შეაგრძნობინა, და ლაპარაკიც ასწავლა, შვებით ამოისუნთქა და თქვა: ახლა დავისვენებოოოოოოოოო. მაგრამ სათქმელად ადვილია, „დავისვენებო“. რა დაასვენებდა ღმერთს, ამდენი ადამიანი გაუხდა მისახედი. არც ძიძები არსებობდნენ მაშინ, არც აღმზრდელები, არც მასწავლებლები... რა დაასვენებდა?

\*
ამას ღმერთიც მიხვდა, რომ მისი მოსვენება არ იქნებოდა კიდევ ძალიან დიდხანს. ყველა დაისვა და უთხრა: თქვენ ამ სამყაროს მფარველად და პატრონად მოგავლინეთ, მე უკვე მოვხუცდი და ჩემს ძველ სახლში, ცაში უნდა წავიდე. იქაა ჩემი სამყოფელი. ამ დედამიწას თქვენ უნდა უპატრონოთ და დაარეგოთ, როგორ დაეთესათ პური, ვაზი, ხეხილი, როგორ მოემინაურებინათ პირუტყვი, როგორ აეშენებინათ სახლები, სოფლები და ქალაქები, სკოლები, ბიბლიოთეკები, როგორ გამოეჭედათ შრომის იარაღი, როგორ

დაემზადებინათ თიხისაგან ჯამ-ჭურჭელი, როგორ ენერათ და ეხატათ, ემღერათ. როგორ გამოეთალათ ხისაგან საღამურები და საკრავები. როგორ ელოცათ და როგორი სამოსი ეტარებინათ. როდის ჩაეცვათ ჯინსები, როდის თბილი ქურთუკები ან ქუდეები მოერგოთ თავზე. როგორ გადაელოთ მულტიფილმები და, რაც მთავარია, ჭამის წინ ხელები აუცილებლად დაებანათ. ხოლო ჭამის შემდეგ „მადლობის“ გადახდა არ დავიწყებოდათ. კი, უსმენდნენ ვითომ გულისყურით ადამიანები, მაგრამ თან ერთი სული ჰქონდათ, როდის დაინყებდნენ დამოუკიდებელ ცხოვრებას და, თუ სიმართლე გინდათ, ბოლომდე არც მოუსმენიათ ყურადღებით.

მაგრამ ის, ვინც ბოლომდე დარჩა და მოუსმინა ღმერთს, რა თქმა უნდა, მეტიც გაიგო. ისიც კი ასწავლა, როგორ ჩაენნათ ყვავილები თმებში ლამაზ გოგონებს, ხოლო ბიჭუნებს როგორ ეთამაშათ შორი-ახლოს ფეხბურთი იმ მინდორზე, სადაც გოგონები ყვავილებს დაკრეფდნენ. საღამოთი კი ჩამავალი მზისათვის ეყურებინათ ერთად.

\*
მთელი სამყარო გასუსული ელოდა ადამიანის გამოჩენას და სანამ ღმერთი მათ ძერწავდა, ისეთი დუმილი იყო გარშემო, ისეთი დუმილი, ერთმა ბაჭიამ შიშისაგან ყვირილი მორთო: დედაააა, ეს რამხელა და რა საშინელი სიჩუმე გვიახლოვდება, არ ჩაგვეკლავოსო! აცახცახებულ ბაჭია დედიკომ გულში ჩაიკრა და როგორც კი დედის გულის ძგერის ხმა გაიგონა, მაშინვე დამშვიდდა.

მერე სათამაშოდაც კი გაიქცა მინდორში. გარბოდა და თან იძახდა: „მე არაფრის მემინია, მე არაფრის მემინია!“ იქვე ბალახში გაყურსულ პატარა კუს ნამოჰკრა ფეხი და ისე გადაკოტრიალდა, გეგონებოდათ ყურს მოიტეხსო, მაგრამ ნამოხტა და ისევ გააგრძელა: „მე არაფრის მემინია, მე არაფრის მემინიაო!“

პატარა კუს თურმე ერთი თავისი ბაღელი ხოჭო ამბავს უყვებოდა, ახალ არსებებზე, რომლებიც დედამიწაზე გამოჩენილან. დედას გაუფრთხილებია, რა იცი, რა ხასიათისანი და ზნისანი არიან, ახლოს მაინც არ მიხვიდეო. ჰოდა, ეს ბაჭია რომ დაეტაკა, სწორედ ის ახალი მოზინადრე ეგონათ და შიშისაგან ღამის გულები დაუსკდათ. კუმ ბაქანში ღურთა თავი, ხოჭო კი მინაში

ჩაძვრა. ბაჭიას კი ეგონა ქვას წამოვკარი ფეხიო, მარდად წამოხტა და მინდორში გავარდა. ისე, კი ჰგავდა ეს პატარა კუ ქვას, ხოჭო კი ალბათ მინაში რომ არ ჩამძვრალიყო, ისედაც კენჭს დაემსგავსებოდა, რადგან ასეთი გამოთქმაც არსებობს: შიშისაგან ადგილზე გაქვავდაო. ანუ კუ თუ გაქვავდა, ხოჭო გაკენჭდებოდა, აბა, რა?!

\*
ამასობაში უკვე ღმერთმა ადამიანები დედამიწაზე დაასახლა და ერთი ბავშვი სწორედ იმ მინდორზე გაიქცა სათამაშოდ, სადაც ბაჭია დახტუნაობდა.

რა თქმა უნდა, ბავშვმა და ბაჭიამ ერთმანეთი დაინახეს და გაოცდნენ. რა თქმა უნდა, ბავშვს დედა მიჰყვებოდა უკან და ბაჭიას კი, თავისი დედაკურდღელი. მათაც დაინახეს ერთმანეთი. დაინახეს და გაუხარდათ. ორთავემ ერთმანეთზე ასე იფიქრა, ეს რა ლამაზი და საყვარელი არსებააო!!! ალბათ, თავის შვილიკოს გამოედევნათ! ქალმა იფიქრა: დაილოცოს დედა-შვილობის მადლიო! კურდღელმა კი იფიქრა: კიდევ კარგი, ღმერთმა მარტო შვილები ან მარტო დედები არ გააჩინა ამ ქვეყანაზეო. რა იცოდა კურდღელმა, რომ ღმერთსაც თავისი დედიკო ჰყავდა და ძალიან, ძალიან უყვარდა.

\*
მოაღწევე ბავშვები ველ-მინდვრებს, სახლებში კი ცეცხლი დაინთო და პირველი ქვაბი შემოიღდა ფაფის მოსახარშად. რადგან ბავშვები ძალიან გემრიელად მიირთმევდნენ ფაფას, მინდორში თამაშის შემდეგ, სუნი რომელიც ფაფას ჰქონდა და პირველად იყნოსეს დედამიწაზე, მართლა უჩვეულო და გემრიელი იყო. ამ სუნს დაერქვა „იფ-იფ“! ხოლო იმ ფაფას დაერქვა „რა გემრიელია“. რა თქმა უნდა, უფრო მოზრდილ მეორე ქვაბში მამიკოსთვისაც დაინყეს საჭმლის მომზადება. იმ საჭმელს ერქვა „რა კარგი ხელი გქონიაო, აბა კიდევ დამიმატეო“.

ახლაც ისე ამზადებენ ფაფებს დედები, ახლაც ისე დახტიან ბაჭები და გაიძახიან „არაფრის მემინიაო“. სინამდვილეში კი, ძალიანაც მშობრები არიან.

რა იცი, მინდორში ვინ შეგხვდეს, მარტო კუ და პატარა ბავშვები ხომ არ არიან ამ ქვეყანაზე? ღმერთიც ცაშია...





მწერალი

შოთა იათაშვილი

ამ ადამიანს, ალბათ, შეიძლება თანამედროვე ქართული ლიტერატურის მემკვიდრე უწოდო. უფროსად „ალტერნატივადან“ დაწყებული, მის ხელში „გაიარა“ თითქმის ყველა ცნობილი ახალგაზრდა ავტორმა, ვინც დღეს ქართულ მწერლობაში ამინდს ქმნის. როდესაც წლების განმავლობაში ტრიალებს ლიტერატურულ სივრცეში, ცოტა რთულია, შეინარჩუნო აქტუალობა, თუმცა შოთა იათაშვილი ამას ახერხებს. მისი შეფასება ბევრისთვისაა მნიშვნელოვანი, აზრი — ანგარიშგასანევი, მისი ტექსტები ყოველთვის იწვევს ინტერესს. ბოლო დროს ნაკლებად წერს, თუმცა შარშან მისთვისვე მოულოდნელად ორი წიგნის გამოცემა მოახერხა, რომელთაგან ერთმა — „დალაგება“ — ლიტერატურული პრემია „საბა“ დაიმსახურა. ჩვენი საუბარიც ამ კრებულის დაიწყო.

— „დალაგება“ ბოლო 13 წლის განმავლობაში დაწერილ პუბლიცისტურ ნერილებს აერთიანებს. უპირველესად, საინტერესოა, ამდენი წლის შემდეგ რატომ გადაწყვიტე მათი გამოცემა?

— დაახლოებით სამი წელი მიტრიალებდა იდეა თავში. რამდენიმე გამომცემლობას შევთავაზე და უარი მივიღე. ბოლოს გამომცემლობა „საუნჯე“ დამთანხმდა. სხვათა შორის, იმ პერიოდში ლექსებიც მქონდა გამზადებული, მაგრამ მათ წერილები არჩიეს.

— ანუ სწორად გათვალეს, რადგან კრებულმა „საბა“ მიიღო. შინაგანად თუ ელოდი ამ პრემიას?

— წინა „საბა“ 2007-ში ავიღე, ანუ 2006-ში გამოცემულ წიგნში და მას შემდეგ არაფერი გამომიცია. ამ პერიოდში რაღაცები იწერებოდა და თვალსადახელსშუა დაგროვდა მასალა. როგორც უკვე აღვნიშნე, „დალაგებას“ სამი წელი ველოდი და შარშან გამოიცა. სრულიად მოულოდნელად გამომცემლობა „პეგასმა“ დაბეჭდა ლექსების ახალი კრებულიც. იყო კიდევ პიესა „მავადრებელი“, რომელიც ჩემთვის ძალიან მნიშვნელოვანი ტექსტია. მასზე დიდხანს ვიმუშავე — მგონი 2003 წელს დავიწყე წერა და შარშან დავამთავრე. ესქილეს ერთი პიესის „აღდგენა“, რომლის პირველი ნაწილი გადარჩა, დანარჩენი დაიკარგა. ერთ ძველბერძნულ მითზე დაწერილი, ამიტომ სიუჟეტი ჩემთვის ცნობილი იყო, რამაც „აღდგენითი სამუშაოები“ გამაიადვილა. ანტიკური დრამის ყველა წესის დაცვით „გავუკეთე რესტავრაცია“, ანუ ორმოციოდე გვერდზე გაშლილი პოეზია მთელი თავისი ქორეოგრაფია თუ ანტიქორეობით. გული მწყდება, რომ ჯერჯერობით საკუთარი სცენა ვერ იპოვა, თუმცა იყო გარკვეული დაინტერესება ერთი-ორი რეჟისორის მხრიდან. 2005-ში დათო საყვარელიძემ პირველი ორი ეპიზოდი, ანუ რაც მაშინ დაწერილი მქონდა, ექსპერიმენტულად დადგა უნივერსიტეტში, ელჩინურ დღეებზე...

არც პოეტურ კრებულზე და არც კრიტიკაზე არანაირი გათვლა არ მქონია. თავისთავად მოვიდა ამ წიგნების გამოშვების დრო და მეც გამოვუშვი. ბოლო დროს ძალიან ცუდი ტენდენცია მკვიდრდება — თითქოს მწერალი წიგნს მხოლოდ პრემიის მისაღებად გამოსცემს. არ არის ასე. „საბა“ არ იყო, მაგრამ წიგნები გამოვიდა. პირადად მე 2006 წლიდან 2010-მდე ტაიმ-აუტი მქონდა. ადრე კრებულებს უფრო პატარა შუალედებით ვაქვეყნებდი — 2-3 წელიწადში ერთხელ. ბოლო დროს პერიოდულობა გაიზარდა.


— ეს რისი ბრალია, უფრო კრიტიკულად უყურებ საკუთარ ნაწერებს?

— ალბათ და უფრო იშვიათადაც ვწერ.

როგორც ჩანს, გადაჭარბებული პროდუქტიულობა მეტწილად ახალგაზრდობითაა განპირობებული. გარკვეული ასაკის შემდეგ თუ ზუსტად თუ ვერ დაინახე სათქმელი ან ფორმა ვერ მოძებნე, კალმისკენ ხელი არ მიგდის.

— შენი წერილები ლიტერატურათმცოდნეებმა ლიტერატურულ ჩანახატებად, ესეისტიკად მონათლეს, თუმცა განსხვავებული შეფასებებიც მრავლადაა. თავად როგორ განსაზღვრავ მათ ჟანრს?

— ამ წერილების გარკვეული რაოდენობა წმინდა ესეისტიკაა, ზოგიერთი —




უფრო ანალიტიკურია. საბოლოოდ მაინც ესეები ჭარბობს და ალბათ, ასეც უნდა იყოს — როდესაც პოეტი პოეტზე წერს, ბუნებრივად ჩნდება აღნიშნული ფორმის მოთხოვნა. ამ შემთხვევაში უფრო მნიშვნელოვანია დაკვირვება პოეტისა თუ მწერლის შინაგან ბუნებაზე და არა ვერსიფიკაციები, მარცვალთა რაოდენობა და ა.შ. ვიღაცამ შეიძლება ასეც დაწეროს, და ამის კვლევა უკიდურესად საჭირო და აუცილებელია, მაგრამ ჩემთვის გაცილებით საინტერესო ავტორის ხასიათის დაჭერა და მის შემოქმედებაში ზუსტი მახვილების დახმა.

— სწორად აღნიშნავენ, რომ ჩვენთან მწერლებს ერთმანეთის შემოქმედებაზე წერა არ უყვართ, რადგან კრიტიკას ერიდებიან. შენი წერილები კარგი მაგალითია, თუ როგორ უნდა წერო ისე, რომ კოლეგების გაღიზიანება არ გამოიწვიოს და საკითხავადაც საინტერესო იყოს.

— ეს საბჭოური გადმონათობაა, რომელიც დღემდე შემორჩა. იმ პერიოდში მწერალი მწერალზე თუ წერდა, ან უნდა გაელანძღა, ან ცაში აეყვანა. დღეს ვითარება ნაწილობრივ შეიცვალა, თუმცა ვიღაცამ შეიძლება მეც „დამადანაშაულოს“ მეგობრებზე წერაში. არადა, ყოველთვის პირიქით

იყო — როდესაც ამ ადამიანებზე ვწერდი, ან მათ ნაწერებს პირველად ვაქვეყნებდი როგორც რედაქტორი, ხშირად მათ არც კი ვიცნობდი. მეგობრობა მერე იწყებოდა, ბუნებრივად. ანუ, ნებისმიერი ავტორის შეფასებისას მეგობრობიდან კი არ ამოვიდევარ, არამედ ობიექტურობიდან. საერთოდ, ასეთი დამოკიდებულება მაქვს: თუ წერ, უნდა ეცადო, მწერალს რეალური ხარვეზი დაანახო. ამავე დროს, დაიცვა ელემენტარული ეთიკა.

— „მთელი ამ დალაგების შემდეგ თქვენს წინაშე იქნება ის შოთა იათაშვილი, რომელიც აქტიურადაა ჩართული ლიტერატურულ პროცესში, აკვირდება მას როგორც მწერალი და როგორც რედაქტორი, სულ მუდამ იცვლება და სულმუდამ ცდილობს თავისი ოდესღაც დალაგებული აზრები შეამოწმოს და გადააღაგოს“ — წერ წიგნის შესავალში. რა დაინახა ამ პროცესის შემდეგ შოთა იათაშვილმა, რა ვითარება იკვეთება მისი დაკვირვებით თანამედროვე ქართულ ლიტერატურაში (წერილების ძირითადი ნაწილი ხომ თანამედროვე ავტორებს ეძღვნება)?



— სხვათა შორის, „ალტერნატივას“ რედაქტორობა, რომელიც გარკვეული წყვეტებით 1998 წლიდან 2005-მდე გრძელდებოდა, ძალიან ნაყოფიერი და დატვირთული პერიოდი იყო ჩემთვის. ახალი თაობა ინტენსიურად მოდიოდა და უშუალოდ ვეხებოდი ამ ყველაფერს. პირველად დაბეჭდილთაგან ყველას ალბათ ვერც გავისხენებ, მაგრამ საერთო სურათის საჩვენებლად რამდენიმეს ჩამოთვლაც საკმარისი იქნება: დავით ქართველიძე, ზაზა ბურჭულაძე, ირმა ტაველიძე, ეკა ქევანიშვილი, გურამ მეგრელიძე, დათო გაბუნია, ნათია ნაცვლიშვილი, ირაკლი კაკაბაძე, თეა თოფურია, სოფიკო კვანტალიანი, დიანა ანფიმიადი, პაატა შამუგია და ა.შ. ამ ავტორების პირველმა ტექსტებმა სულ ჩემს ხელში გაიარა... პირველი გამოხმაურება დავწერე ლაშა ბულაძის, ანა კორძია-სამადაშვილის, თეონა დოლენჯაშვილის, დათო რობაქიძის, ნინო თარხნიშვილის და სხვათა პირველ პუბლიკაციებზე. ერთი სიტყვით, სადღაც 10-12 წლის წინ ქართულ ლიტერატურაში ახალი ძალების შემოდინება დაიწყო და ეს პროცესი ახლაც გრძელდება. მაშინდელი დამწყები ავტორები დღეს უკვე ლიტერატურული პროცესის განმსაზღვრელ ფიგურებად იქცნენ, თუმცა, ვფიქრობ, „ნულოვანების“ თაობა ჯერ კიდევ მაინც ჩამოყალიბების პროცესშია. მათი რეალური ძალა ათიოდე წელიწადში სრულად გამოჩნდება. მთლიანობაში, მე მომწონს ის, რაც ქართულ ლიტერატურაში ხდება და ოპტიმისტურად განმანწყობს.

— პოეზიაზე ვისაუბროთ, კონკრეტულად კი შენს ახალ კრებულზე. „შრამი“ არსებითად განსხვავდება დანარჩენებისგან იმით, რომ დიდი დოზით შემოდის რელიგიური თემატიკა. თუმცა ეს არ არის რელიგიურობა ამ სიტყვის დოგმატური გაგებით. შენ იღებ ყველასათვის ცნობილ ბიბლიურ მოტივებს და საკუთარი ინტერპრეტაციით სთავაზობ მკითხველს. პირველ რიგში, როგორ მიხვედი აქამდე?

— სრულიად ბუნებრივად. ლიტერატურის ისტორია ამის გარეშე არ არსებობს. პოეტები თუ პროზაიკოსები ყოველთვის კითხულობდნენ წმინდა

წიგნებს და მათთვის მისაღებ ფორმაში აქცევდნენ. საწყის ეტაპზე, როდესაც ახალგაზრდა ხარ, ყოველთვის ჭარბობს „ათეისტური“ დამოკიდებულება. შეიძლება ეს იყოს ეპატაჟიც. უფრო ხშირად პროტესტისა და ზედაპირული უარყოფის მომენტი იჩენს თავს. გარკვეული დროის შემდეგ ადამიანი ამ ყველაფერს სხვანაირად უფიქრდება და აზრებიც სხვაგვარად დატრიალდება ხოლმე.

— ეპატაჟის მარცვლები აქაც არის, თუნდაც „ტანსაცმლის ოდა“ ავიღოთ.

— ვითომ? ჩემთვის სულაც არ არის ეპატაჟი. შეიძლება ეს მომენტი სხვაგან უფრო იყოს. მაგალითად, მაქვს ასეთი ლექსი — „აღდგომა“. აქ უფრო ის მომენტი, რომ ადამიანურ ყოფაში მეტაფიზიკური მოვლენები მცირე ფორმატით თამაშდება და ჩვენ ამას ან ვხედავთ, ან არა, ან უბრალოდ გარეგნულად ვამსგავსებთ. თუ კარგად დააკვირდები, შენს ცხოვრებაშიც შეიძლება ხდებოდეს პატარა „აღდგომები“, ის კი არადა, სათამაშო, სახელად „ძე“, რომელიც შენს ვაჟს მიუტანე და რომელიც მან დაამტვრია, ორი დღის შემდეგ შეიძლება აღმოაჩინო „კვლავ აწყობილი, / გამოცვლილი ელემენტებით / და კარგად დამოკიდებული“. რაც შეეხება „ტანსაცმლის ოდას“, ეს ლექსი შეიძლება ძალზე კონსერვატიულიც კი იყოს. აქ სულ სხვა რამაა ჩადებული. ყურადღება გამახვილებულია იმაზე, თუ როგორ ყალიბდება ადამიანის ბუნება, კულტურა, ეთიკა, ესთეტიკა. ტანსაცმელი ის ფენომენია, რომელიც ხელს უწყობს პიროვნების ჩამოყალიბებას, მის განვითარებას, ადამიანურ ურთიერთობებს. შეიძლება ითქვას, ეს უფრო „კულტუროლოგიური“ ლექსია.

— კრებულს „შრამი“ ერთ-ერთი ლექსის სახელწოდების მიხედვით დაერქვა. რამდენადაც ვიცო, ეს ლექსი სულ ბოლოს დაწერე, თუმცა წიგნში პირველ ნომრად შეტანილი და ასე ვთქვათ, ხსნის მას.



— ამ წიგნის სახელწოდებაზე დიდხანს ვფიქრობდი. ყდა უკვე გაკეთებული იყო — ჩემი პორტრეტი შევარჩიე, რომელიც 8 წლის წინ დახატა სოფო ჩხიკვაძემ, სათაურს კი ვერ ვურჩევდი. რამდენიმე დღეში სტამბაში უნდა წასულიყო და მაინც გული მეთანადრებოდა. ერთ დღესაც, ვუყურებ მის ნახატს, ანუ ჩემს პორტრეტს ლოყაზე ჩამოსმული ნითელი ხაზით, და უცებ მომდის აზრად — „შრამი“ ხომ არ დავარქვა-მეთქი? ეტყობა ეს იდეა თან ჩამყვა და იმდენად იმუშავა, რომ მეორე თუ მესამე დღეს ამ სახელწოდების ლექსი დავწერე და კრებულშიც შევიკრა.

— საინტერესო და ორიგინალური ლექსია სამყაროს შექმნაზე, რომელიც უფალს სახეზე დაჩნეულ შრამებად დაუჯდა. და კიდევ ერთი მნიშვნელოვანი ნაწარმოები — „ფინალი“, რომელიც ასევე კრავს კრებულს. აქ ორი მომენტი იკვეთება — ერთი მხრივ, თითქოს აჯამებს შენს შემოქმედებას, მეორე მხრივ, მუშის უქონლობას უჩივს. რეალურად რაზეა ეს ლექსი — მართლა პოეტური ფინალია თუ უბრალოდ წერ იმაზე, როგორ აღარ გენერება?

— მართლა ისე იყო ყველაფერი, როგორც ლექსშია. აივანზე ვიდექი და ვფიქრობდი, რაზე შეიძლება დავწერო-მეთქი ლექსი. ფაქტობრივად, აღვწერე ის გარემო და განცდები, რაც იმ მომენტში მქონდა: იქ ავტობუსმა გაიარა — გამახსენდა, რომ ავტობუსზე დაწერილი მაქვს; სიგარეტი გავაბოლეთ — სიგარეტზეც მაქვს ლექსი; ელემენტარობა — ამაზეც; აქვთ გამოვიხედე — ყველა ჩემს შვილს მივუძღვენი ლექსი; მიწერია ტანსაცმელზე, ფულზე, ფაიფურის თვისებებზე, შტეფსელზეც კი და სადღაც აქ გავიჭედე... მერე მივხვდი, რომ სწორედ ეს იყო თემა — ის, თუ როგორ აღარ გაქვს საწერი და როგორ ვეღარ წერ. მოხდა ისე, რომ ამ ლექსის შემდეგ ნახევარ წელზე მეტხანს მართლა ვეღარაფერი დავწერე და ცოტა შევშინდი კიდევ — მართლა ფინალური ლექსი ხომ არ გამომივიდა-მეთქი, მაგრამ მერე ისევ დღემთამა მიშველა და შეიქმნა „შრამი“.

— ეს კრებულს როგორ შეადგინე, უბრალოდ, 2006-დან დაწერილი საუკეთესო ლექსები შეიტანე?

— ყოველთვის ასე ვაკეთებ. ერთადერთი — „ფანქარი ცაში“ გავაკეთე რჩეულის





აკითხვები

კახა ჯამბურია

გამოცდების ეროვნული ცენტრის ქართული ენის ჯგუფის ხელმძღვანელი კახა ჯამბურია ძალზე საინტერესოდ საუბრობდა ლიტერატურაზე. საუბრობდა ცოდნით, როგორც პროფესიონალი ფილოლოგი და ამავდროულად გატაცებით, გრძნობით, როგორც უბრალოდ ლიტერატურის მოყვარე ადამიანი. მან გაიხსენა დავით გურამიშვილი და მისი პოეზია, ისაუბრა გურამ დოჩანაშვილისა და ჯემალ ქარჩხაძის გამორჩეულ პროზაზე, საქართველოში ნაკლებად ცნობილი უცხოელი მწერლების განსაკუთრებულ ოსტატობაზე... ვფიქრობ, წინამდებარე ინტერვიუში მნიშვნელოვანი ისაა, რომ ბატონი კახა შეეხებოდა ავტორებს, რომელთაც — საყვარელ მწერლებს შორის — არც ისე ხშირად ასახელებს ჩვენი რუბრიკის „მკითხველი“.

— მახსოვს, გარკვეული ხნის წინათ, ინტერნეტის საშუალებით გავეცანი თქვენს სტატიას, რომელიც დღემდე მახსოვს. გურამ დოჩანაშვილის შემოქმედებაზე საუბრობდით, მის ტექსტებს განიხილავდით. სტატიიდან ჩანდა, რომ შესანიშნავად იცნობთ დოჩანაშვილის პროზას და, როგორც მკითხველს, განსაკუთრებული დამოკიდებულება გაქვთ მის მიმართ. ჩვენი საუბარიც ამ თემით დავიწყეთ — XX საუკუნის გამორჩეული პროზაიკოსით.

— ჩემი და ბატონი გურამის მეგობრობა დაახლოებით ოცი წლის წინათ დაიწყო. მაშინ ქართული ლიტერატურის ინსტიტუტში ვმუშაობდი. ახლადდარსებული ჟურნალისათვის — „ლიტერატურა და ხელოვნება“ (რომელსაც ჩვენი და ხელოვნების ისტორიის ინსტიტუტი ერთობლივად გამოსცემდა) — დამავალეს, მომემზადებინა დიალოგი გურამ დოჩანაშვილთან. ბატონი გურამის ნაწარმოებებს სტუდენტობის წლებიდან ვკითხულობდი. ჩემმა თაობამ დოჩანაშვილის ტექსტები ლამის ზეპირად იცოდა, მისი ფრაზებით ვსაუბრობდით. მწერლის შემოქმედება ყოველთვის განსაკუთრებული, განსხვავებული მოვლენა იყო ჩემთვის. ცნობილ ფრანგ კრიტიკოსს, როლან ბარტს აქვს ერთ გამოკვლევაში — ახალი ლიტერატურული ეტაპის დასაწყისად კონკრეტულ თარიღს ასახელებს და შემდეგ ასახულებს თავის მოსაზრებას. მე კი მგონია, დოჩანაშვილის სიტყვით — „ჩამომალაბორანტეს“ — ქართულ ლიტერატურაში ახალი ეტაპი დაიწყო. ენის ამგვარმა გამომსახველობითმა საშუალებებმა ქართულ პროზაში სრულიად ახალი, ჯერ კიდევ უცნობი სამყარო დაგვანახა. თუმცა, ეს დოჩანაშვილის მიერ აღმოჩენილი მეთოდი არ ყოფილა. „ვეფხისტყაოსანში“ გასაოცარი სიტყვათქმნადობა გვხვდება, მაგალითად: „ცამცა გაიდარბაზესა“, „მო-ცა-კვდა, გასისხლმდინარდა“ და სხვ. ამ თვალსაზრისით რუსთველი შეუდარებელია და „ვეფხისტყაოსანს“ ქართულ ლიტერატურაში ანალოგი არ მოუპოვება. თუ პოემას ზედაპირულად იცნობ, შესაძლოა შეფარული კავშირი დოჩანაშვილის ტექსტებსა და „ვეფხისტყაოსანს“ შორის ვერც დაინახო. მაგალითად, „დრაჰკანი“, რომელიც რომანში „სამოსელი პირველი“ ფულის ერთეულია, სწორედ რუსთველთან გვხვდება. იგივე შეიძლება ითქვას მეთოდზე — „ვეფხისტყაოსანი“ ამის საუკეთესო ნიმუშია — როცა ავტორი მოქმედების ადგილად სხვა, უცხო მხარეს ირჩევს. სხვათა შორის, მწერალთა მხრიდან ამგვარი ლიტერატურული ფორმის გამოყენებას საბჭოთა კრიტიკა ყოველთვის ეჭვის თვალით უყურებდა.

მახსოვს, მაშინ საკმაოდ ვრცელი დი-

ალოგი გამოვიდა ბატონ გურამთან. დავით გურამიშვილის შემოქმედებაზეც ვისაუბრეთ. ჩემი სუბიექტური შთაბეჭდილებები რომ გავუზიარე, დაინტერესდა და „დავითიანი“ კიდევ ერთხელ გადაიკითხა. დიდ პატივად მიმაჩნია, რომ ჩვენი საუბრის შემდეგ მან ხელახლა აღმოაჩინა გურამიშვილი.

— არაერთი ლიტერატურული ნოვატია, რომლის ავტორიც გურამ დოჩანაშვილია — აღიზიანებდა მის თაობას.

— აღიზიანებდა სწორედ მის თაობას და არა — ახალგაზრდებს. ბატონი გურამი ახალგაზრდობის მწერალი იყო. რაც შე-

„ გურამიშვილი ნამდვილი ნოვატორია “

ენება უფროსების დამოკიდებულებას მისი შემოქმედების მიმართ, მახსენდება გაზეთ „კომუნისტში“ გამოქვეყნებული ძალზე კრიტიკული წერილი. იმ წლებში „კომუნისტის“ გვერდებზე მწერლის აუგად მოხსენიება ძალიან ცუდ რამეს ნიშნავდა. ბატონი გურამი ოფიციალური მხრიდან დაფასებული და პრივილეგიებით განებივრებული არასოდეს ყოფილა, არც რაიმე პრემია მიუღია მათგან. ვინც მის ავტობიოგრაფიულ რომანს — „რაც უფრო მახსოვს, და მეტად მაგონდება“ — გაეცნობა, დარწმუნდება, რომ ეს ადამიანი ორჯერვე პოლიტიკური მოტივით იჯდა ციხეში. ერთადერთი, რაშიც ამ მწერალს გაუმართლა, ის არის, რომ მისი ყველა ნაწარმოები დაიბეჭდა. ...როცა „კომუნისტში“ გამოქვეყნებული წერილის ავტორი ბატონ გურამს შეხვდა, თავი ასე იმართლა — მე რომ არა, უარესებს დაწერდნენო. შემდეგ კიდევ გამოქვეყნდა სტატია, რომელშიც გურამ დოჩანაშვილთან ერთად ბესიკ ხარანაულიც გააკრიტიკეს. ორ ყველაზე გამორჩეულ პიროვნებას — ჩვენი თაობის მეტრებს — იმისათვის კიცხავდნენ, რისთვისაც მათი შემოქმედება ასე მოსწონდა ახალგაზრდობას — ახალი ლიტერატურული ფორმებისა და ნოვატორუ-

ლი ძიებებისათვის. — სოციალისტურმა რეალიზმმა გარკვეული სტანდარტები, კლიშეები ჩამოაყალიბა და შემოქმედი ადამიანებისაგან მოითხოვდა, რომ ხელოვნება რაღაც ჩარჩოებში მოექციათ. ამან თავისებურად იმოქმედა ლიტერატურაზე, ზოგადად — კულტურაზე.

— არ შეიძლება ოთარ ჭილაძეზე ითქვას, რომ ოდესმე რაიმე კლიშესა თუ სტანდარტს ემორჩილებოდა. ის ყოველთვის ძალზე ორიგინალური და თავისთავადი მწერალი იყო — დიდი მწერალი. ქართველი ავტორები სოციალისტური იდეოლოგიის მოთხოვნებს არასოდეს ითვალისწინებდნენ, მაგრამ სტანდარტები მაინც არსებობდა და ქვეცნობიერად ეს მოქმედებდა ადამიანებზე. ამიტომ ახლის ძიება, ნოვატორობა იმდროინდელ ქართულ მწერლობაში ძალიან მნიშვნელოვანი მოვლენა იყო. ოთარ ჭილაძეზე აღარ შევჩერდები, მისი შემოქმედების შესახებ ბევრი რამ ითქმულა. ერთი, სრულიად გამორჩეული ქართველი მწერალი მინდა გავიხსენო — ჯემალ ქარჩხაძე. მან ძალიან საინ-



ტერესო ფორმა მოუძებნა სათქმელს. ამჯერად მხედველობაში მაქვს მისი „ანტონიო და დავითი“, რომელშიც სხვადასხვა პერსონაჟი ერთსა და იმავე ამბავს ყვება. ამ ხერხს ფოლკნერი ბევრად ადრე მიმართავდა და ქარჩხაძემაც ბრწყინვალედ გამოიყენა თავის ნაწარმოებში. მის შედეგზე — „იგი“ — აღარაფერს ვამბობ. სხვათა შორის, გურამ დოჩანაშვილს აქვს ჩემთვის ნათქვამი: „სიამოვნებით მოვანერდი ხელს „იგის“, ასე წერა რომ შემეძლოს...“ სამწუხაროა, რომ ჯემალ ქარჩხაძე — XX საუკუნის ქართული მწერლობის ერთ-ერთი საუკეთესო ავტორი ისე დაუფასებლად წავიდა ჩვენგან, რომ საკადრისი პატივი ვერ ვეცით, ჩვენი აღფრთოვანება და სიყვარული ვერ ვაგრძობდით.

— სამწუხაროდ, დაუფასებლობა არაერთი დიდი მწერლის ბედისწერა გამხდარა. ასეთ ავტორებს შორისაა დავით გურამიშვილი, რომლის მიმართ დამოკიდებულება გარკვეულწილად უკვე გამოხატეთ. თქვენი აზრით, რა არის მიზეზი, რომ ასეთი დიდი პოეტი და გამორჩეული მოაზროვნე უსამართლოდ ამივიწყებული?

— ძველი ქართული ლიტერატურის მეცნიერული კვლევა XX საუკუნის

დასაწყისში დაიწყო, როცა ივანე ჯავახიშვილმა თბილისის სახელმწიფო უნივერსიტეტი დაარსა. ამას მალე მოჰყვა საქართველოს გასაბჭოება და იდეოლოგიური ცენზურა. ბუნებრივია, გურამიშვილის — ქართულ ლიტერატურაში ყველაზე დიდი მისტიკოსი პოეტის — შემოქმედების შესწავლა საკმაოდ შეიზღუდა. გურამიშვილი განსხვავებული ნყოფისა და აზროვნების ადამიანია, იგი ყველაფერში ღვთის ნებას ხედავს. ამ მოაზროვნის მიხედვით, „თურქი, ლეკი, სპარსი, ოსი, ჩერქეზი, ლილივი, დიდო, ქისტი“ — ქვეყნის უბედურების მიზეზი კი არაა, შედეგია. მიზეზად იგი ერის სულიერ დაძაბუნებას მიიჩნევს. ადამიანები სულიერად უძლურდებიან მაშინ, როცა მათ შორის სიყვარული ქრება. სიყვარულს კი მუდამ ურწმუნოება უპირისპირდება. გურამიშვილისათვის ყველა უბედურების სათავე სწორედ ურწმუნობაა. იოანე ღვთისმეტყველის მიხედვით, „ღმერთი სიყვარული არს“ და საქართველოს ბედუკუდმართობის მიზეზს პოეტი ურწმუნობაში, ე. ი. უსიყვარულოდ ცხოვრებაში ხედავს. ბუნებრივია, საბჭოთა სკოლაში გურამიშვილის შემოქმედებას — საზოგადოებრივი ცნობიერებისა და საქართველოს ისტორიის მისეულ ანალიზს, მსოფლმხედველობას, ღვთისადმი დამოკიდებულებას — არავინ ასწავლიდა. ბავშვებს ყველაზე ნაკლებად ფასულ — ე. წ. „სწავლა მოსწავლეთას“ აზუპირებინებდნენ და ამით აძულდნენ ამ ნაწარმოებს. ხოლო განსაკუთრებულად ღირებული ნაწილი — რელიგიური ჰიმნები და ე. წ. „ქართლის ჭირის“ პროვინციული ნაწილი — ფაქტიურად მიჩქმალული და გაყალბებული იყო.

— ვფიქრობ, შედეგად მივიღეთ ის, რომ ჩრდილში დარჩა გურამიშვილის პოეტური სიდიადეც.

— გურამიშვილი სიტყვის საოცარი ოსტატია. დააკვირდით, ინტონაციურად რამდენად მსგავსია გალაკტიონის „ჯერ არასდროს არ შობილა მთვარე ასე წყნარი“ და გურამიშვილის „ზუბოვიკიდან მომავალმან ვნახე ერთი ქალი“... სწორედ გურამიშვილის მოძებნილია ის რიტმი, უღერადობა, ფორმები, რომლებიც შემდეგ ათასწილიად გამოიყენეს ჩვენმა პოეტებმა. ვერსიფიკაციის თვალსაზრისით, გურამიშვილი ნამდვილი ნოვატორია. ის ამკარად პირველია, ვინც საუკუნეების შემდეგ „ვეფხისტყაოსნის“ გავლენა დაძლია და პოეზიაში სრულიად ახალი ფორმები შექმნა. ე. წ. „აღორძინების ხანის“ პოეტები რუსთველის ეპიგონები იყვნენ, თექვსმეტმარცვლიანი შაირით წერდნენ და საკმაოდ მძიმედ საკითხავი, ნაკლებად საინტერესო ტექსტები დაგვიტოვეს. გურამიშვილის პოეზია კი ნოვატიკების თვალსაზრისით ამოუწურავია. მისი კვლევა საკმაოდ გვიან დაიწყო. არაერთმა კარგმა მეცნიერმა იმუშავა მის ტექსტებზე, თუმცა შესასწავლი და საკვლევია ჯერ კიდევ ბევრია.

— ახალგაზრდა ქართველი მწერლების ნაწარმებს საზოგადოება სხვადასხვაგვარად აფასებს. ნაწილს მოსწონს ისინი, სხვებისთვის კი ეს თემატიკითა და ლექსიკით ღარიბი ლიტერატურაა. საინტერესოა თქვენი აზრი ახალგაზრდა ავტორების შესახებ.

— რა თქმა უნდა, ახალგაზრდა მწერლებიდან ყველა წარმატებული ვერ იქნება. ჩვენსავით პატარა ქვეყანას არ შეიძლება ერთ თაობაში ათი-ოცი დიდი მწერალი ჰყავდეს. ის რომ, მკითხველი ორსამ ავტორს კარგად იცნობს, უკვე ბევრს ნიშნავს. პოლანდიას ლიტერატურაში ერთადერთი ნობელიანტი — ჰარი მულიში ჰყავს და ყველა მას შეხარის. ჩვენ, ჩემი აზრით, მულიში უკეთესი მწერლები გვყავს. როცა ახალგაზრდა ავტორების ნაწარმოებებს ვკითხულობ, ყველაფერზე მეტად ლექსიკის სიმწირე მაღიზიანებს. თითქოს ქართული არც ისე კარგად იცინან. ცხადია, ეს არ ეხება აკა მორჩილაძეს — ძალიან საინტერესო მწერალს, რომელიც ენას ბრწყინვალედ ფლობს. მორჩილაძის პროზას ახალგაზრდები დიდი ინტერესით კითხულობენ, თუმცა მისი ტექსტები — განსაკუთრებით მისი დიდტანიანი რომანები — „სანტა ესპერანსა“, „Maid in Tiflis“ — ადვილი საკითხავი სულაც არ არის.

დასასრული მე-14 გვერდზე









\*\*\*  
გულეების სიტობო: სიტყვაში შეერთებუ-  
ლი... აი, პოეზია!

\*\*\*  
ოპტიმისტი ბაჭიკუდა: „საწყალო, ბაჭ-  
იკუდაო, ცხენ ჩაგივარდა კუტადა...“ აი,  
პასუხი: „ადგება გაზაფხულზედა, განა კი  
ჩავსვი კრუტადა!“

\*\*\*  
ესთეტიური წვდომის ამნეზია!

\*\*\*  
წმინდანის სახე: პორტრეტი ვაჟა-  
ფშაველასი!..

\*\*\*  
მერცხალას სახლი მიგრიაულთის  
ხილიანაში. სახლის წინ დაწყებითი სკოლის  
შენობა იდგა. სახლს ზემოთ ტალა მაჩხოშ-  
ვილი ცხოვრობდა, ხოლო ქვემოთ: მერცხ-  
ალას ხნის მოხუცი ხეთისავარი, ტალას  
მამა. ხეთისავარმა დიდი მსხლის ხე მოჭრა  
ახლო გორაკზე: ჩემი მეგობრის სახლსა  
ფარავს და ვერა ვხედავო... ეხლა უკვე კარ-  
გად ხედავდა!

\*\*\*  
უსახელო პოეტები: ეპიტაფიებზე  
გადაფენილმა ხავსმა, ფოლკლორულ სიმ-  
ღერებს აყოლილი ადამიანების გულმაგი-  
წყობამ, ისტორიის მუხთალმა შემთხვევი-  
თობებმა ჟამის წყვილიაღში ჩაძირა მათი  
სახელები, დავიწყების ლიბრით გადაიბუ-  
რა, წაშალა... და, როცა იმათ უკვდავ სი-  
ტყვებზე გაბმულ სიმღერებს ისმენ, როცა  
მათი სტრიქონები გულზე მოგეშხეფება,  
გრძნობ, რომ იმათი სახელები აგერ აქაა,  
სულ ახლოსა და საცაა უკვდავების შუქი  
გაანათებს, გაათბობს, მაღლა ასწევს... ასე-  
თია ხვედრი უსახელო პოეტებისა!..

\*\*\*  
ინამე ესეც: პოეზიის ასტრალურობა...

\*\*\*  
პოეტს აქვს ერთგვარი თამაშის უფლე-  
ბა. ამ ამბავს რეალურად უნდა შევხედოთ.  
რას მოგვიტანს ჩვენ ნიჰილისტური ქირ-  
ქილი და ყოველივეს განქიქების მანი-  
აკალური წყურვილი, საით წავიყვანს ეს  
გზა, ლიტერატურული შურისგების ზემდ-  
იმე ლოდებით ჩახერგილი! ცხადია არ-  
საით!.. და თუ ეს გზა მაინც სადმე წავიყ-  
ვანს, მაშინ ეს იქნება დაღმართი ფსკერი!..



ვთქვი: პოეტს აქვს ერთგვარი თამაშის  
უფლება. მოდი, პოეტს ვაპატიოთ, თუ ამ  
თამაშმა უკიდურესობის ნაპირთან მიიყვან-  
ა. განა რა მოხდა? ის უფსკრულში ხომ არ  
გადაშვებულა, ხოლო ნაპირიდან დაბ-  
რუნება ყოველთვის შეიძლება: აქ მას დაეხ-  
მარება ნება, მიზანი...

\*\*\*  
ლექსის რიტმული სისუფთავე!

\*\*\*  
ლექსი პროზად: დასანანია, რომ ჩვენს  
დროში მას ზოგი მწერალიც კი ვერ აღიქ-  
ვამს. ლექსი პროზად თვით ვაჟა-ფშაველას  
მეცხრამეტე საუკუნეშიც მისაღები იყო...  
ხოლო ეხლა აქ პოეზიას ვერ ამჩნევენ... რა  
არის ეს? ნუთუ ლექსი? კითხულობს მავანი.  
მაშ, სად არის რითმა? სად არის წყობილი,  
თანაბარმარცვლოვანი სტრიქონები? სად  
არის რიტმული ვარცხნილობა? სწორედ,  
რომ ეს არ არის! ეს ყოველივე პოეზია  
არაა!.. ხოლო პოეზია არის ლექსში დამწ-  
ყვედი სულის შინაგნობა, რაც სიტყვა-  
ში გამლგვლი ემოციით გამოისახება... და  
ემოციის გადაცემის მძლავრი უნარი  
პროზაულ ტექსტსაც გააჩნია... ეს არის  
ლექსი პროზად... და, როგორც მთლიანად  
პოეზია, ისიც შეიძლება იყოს კარგი, ან  
ცუდი, ცოცხალი, ან მკვდარი... აქ ფორმა  
არაფერ შუაშია. უდღერე პროზაული  
ტექსტი პოეზიის მაგალითად არ გამოდგე-  
ბა!.. უტიმანი, ბოდლერი, ლოტრეამონი და  
სხვა პოეტები ძველად უცხოეთში ამაგრებ-  
დენ ამ სალექსო ფორმას; ხოლო უცხოეთ-  
ის ახალი პოეზია ლექსის ამ ფორმის

პირდაპირი კლასიკა... ჩვენში რა ხდება?..  
ვაჟა-ფშაველა, ილია ჭავჭავაძე, აკაკი  
წერეთელი, გალაკტიონი, პაოლო იაშ-  
ვილი, ტერენტი გრანელი, შოთა ჩანტლაძე  
დგანან ლექსი პროზის სათავეებთან...  
ასევე, არ დავივიწყოთ დღევანდელი, ახა-  
ლი თაობის ქართველი პოეტები...

\*\*\*  
მაინც რა გადარდებს იმ სამყაროში,  
უსათუოდ რომ დაიღუპება? შენი თავი, თუ  
სხვა რამ?... რა გადარდებს, ერთი მითხარი!

\*\*\*  
ვიგულოთ ესეც: ვიცხოვროთ პოეზიით  
და არა ვერსიფიკაციით!

\*\*\*  
აი, კიდევ ერთი ძველისძველი სიახლე:  
ფშაველი მოკაფიავეების რეპი!

\*\*\*  
დრომ გადააფასა რაფიელ ერისთავის  
უკვდავი სტრიქონები: „არ გავცვლი სალ-  
სა კლდეებსა უკვდავებისა ხეზედა; არ  
გავცვლი მე ჩემს სამშობლოს სხვა ქვეყნის  
სამოთხეზედა!..“ სამწუხაროდ, ასე მოხდა:  
სალი კლდეები დასტოვეს უკეთესი ცხ-  
ოვრების მძებნელმა ქართველებმა... ცხა-  
დია, ეს ლექსი კვლავ დაბრუნდება ქართვე-  
ლის გულში, კვლავ ნათელს მოფენსა და  
გაამაგრებს მის ქართველობას! და ეს  
მოხდება მალე, ძალიან მალე!

\*\*\*  
ღმერთმა დასწყევლოს პირმოთნობა  
და მამებლობა მონური! ეს ისტორიული  
სწეულება სჭირს ჩვენს ხალხს და მისი  
განკურნების იმედიც არა სჩანს, არა!

\*\*\*  
მშობლიურ არახიჯაში, ცასთან სიახ-  
ლოვეს ძალიან იოლი რამ იყო ვარსკვლავე-  
ბის გაცნობა, დამეზობლება...

\*\*\*  
ღრუბელმა წვიმა ჩაიფიქრა: მერე ისევ  
გადაიფიქრა!

\*\*\*  
გულწრფელობადაკარგული კაცი:  
ქლესა და მძრომელი, უმომავლო არსება,  
უღირსებო და უთვისებო მავანი... ის უე-  
ცრად გადაგელობება შუაგზაზე: გულს  
აგირევს მისი რუყრუყი!

\*\*\*  
შესაძლოა, ეს სიზიფეს ნახელავიც  
იყოს: ამოიტანა ეს ვებერთელა ლოდი და  
დააგდო... ლოდი აღარ დაგორდა, რადგან  
ის მწვერვალს მიაჯაჭვა დედამიწის  
კურთხეულმა მიზიდულობამ... მაგრამ  
თვით სიზიფე სადღაა?.. ეგებ, სულაც ამ  
ლოდს შეადნა, შეესხეულა!.. ეგებ, ყაჩაღ-  
ად გავარდა და ვანხვე-არახიჯის ულ-  
რანებში დაბორიალობს... ეგებ, სულაც  
ცაშია: აქედან ცა ხომ სულ ერთ ხელის  
ანგვენაზეა... ეხლა ამ ქვაზე შენ ზიხარ და,  
აღმართ-დაღმართით დაქანცული, ის-  
ვენებ!

\*\*\*  
პოეზიას უხმობენ სიკვდილისჯიღები:  
ისინი ღმერთთან სასაუბროდ პოეზიის ენას  
ირჩევენ!

\*\*\*  
მარინა ცვეტაევას უშეღავათო აზრი:  
პოეტის სიკვდილი ყოველთვის დროულია  
და ყოველთვის ნაადრევია!

\*\*\*  
ასე ამბობდა: ბევრი რამ მიცვად-მოვ-  
ცადე, ბოლოს კი ამ მუხბუნელ აზრამდე მივე-  
დი: თავისუფალი ქალი ცისქვეშეთში თითქ-  
მის არ არის, ხოლო მოღალატე ქალიც თუ  
გამოილია, მაშინ ძალიან ცუდად იქნება მე  
და შენი საქმე, ვეყო!

დასასრული შედეგ ნომერი

სიახლე

„სამხრეთი კავკასია“ — ასე ეწოდება  
ლიტერატურულ-პუბლიცისტურ ალმა-  
ნახს, რომელიც ახლახან გამოვიდა და  
რომელიც რეგიონის კულტურული ცხ-  
ოვრების გაშუქებას ისახავს მიზნად. ბოლო  
რამდენიმე ათწლეულის განმავლობაში  
სამხრეთ კავკასიაში მიმდინარე პოლი-  
ტიკურმა კონფლიქტებმა, ომებმა და სისხ-  
ლისღვრამ რეგიონის მოსახლეობა ერთმა-  
ნეთს საგრძნობლად დააშორა. ყოფით  
პრობლემებთან ერთად გაჩნდა დიდი კულ-  
ტურული სიცარიელე. ადამიანებმა არ  
იციან, რითი სუნთქავენ მათი მეზობლები,  
რას ნერენ, როგორ კინოს იღებენ, როგორი  
თეატრი აქვთ. სწორედ ამ უფსკრულის ამ-  
ოვსებას ისახავს მიზნად „სამხრეთ კავკა-  
სია.“

ალმანახის შექმნის იდეა ქართველ მწ-  
ერალ გურამ ოდიშარისა და მის აფხაზ მე-  
გობარს, ბათალ კობახიას ეკუთვნით. მათი  
თანამშრომლობა 2003 წელს დაიწყო,  
როდესაც ერთობლივად იმუშავეს წიგნზე  
„ჟამი სიცოცხლისა“. კრებულმა ქართვე-  
ლი და აფხაზი ავტორების მიერ ომის  
თემაზე დაწერილი ტექსტები გააერთიანა.  
ამ გამოცემას მაშინ ორივეგან მოჰყვა  
თბილი და გულისხმიერი გამოხმაურება.  
ლიტერატურა ომისა და დაპირისპირების  
თავიდან ასაცილებელ ერთ-ერთ ყველაზე  
ეფექტურ გზად დასახელდა, თუმცა სამ-

ლიტერატურული ალმანახი  
სამხრეთკავკასიელთათვის


ნუხაროდ, ყველაფერი ამით დასრულდა.  
წამოწყებას გაგრძელება არ მოჰყოლია და  
აი, რამდენიმე წლის შემდეგ ისევ იკვეთება  
ლიტერატურული კონტაქტების აღდგენის  
სურვილი. ამჯერად პროექტში სომხური,  
აზერბაიჯანული და ოსური მხარეებიც  
მონაწილეობენ და ეს სულაც არ არის  
გასაკვირი. „სამხრეთ კავკასია ხუთი ლიტ-  
ერატურის მშობელია, რომლებიც ერთ-  
მანეთთან უხილავი ძაფებითაა დაკავ-  
შირებული. ჩვენი ხალხები საუკუნოდ არი-  
ან გადაჯაჭვული ლიტერატურული  
წინამძღვრებით და ამ ურთიერთობების  
განახლებას ისევ ლიტერატურამ უნდა  
შეუწყოს ხელი“ — მიიჩნევს გურამ ოდიშ-  
არია და ძნელია, არ დაეთანხმო. დღეს,  
როდესაც თანამედროვე ტექნოლოგიები  
შინიდან გაუსვლელად იძლევა ნებისმიერი  
ჟურნალისა და წიგნის გამოცემის შესა-  
ძლებლობას, ერთი რიგითი ჟურნალის გა-  
მოსვლა, შესაძლოა, დიდად აღსანიშნავი  
ფაქტი არ იყოს, მაგრამ როდესაც ლაპარ-  
აკია ადამიანებს შორის ჩატეხილი ხიდის  
აღდგენაზე, ჩიტი ბრდღენად ნამდვილად  
ღირს. მასზე მუშაობის მთავარი ხიბლი ის  
იყო, რომ იდეის ავტორებმა კარდაკარ  
შემოიარეს სოხუმი, ცხინვალი, ბაქო, ერე-  
ვანი. შედეგად, თქვენს წინაშეა ალმანახი,  
სადაც წაჩვენებია, ბოლო 20 წლის განმავ-

ლობაში, არაერთი კონფლიქტისა და სისხ-  
ლისღვრის შემდეგ, რა ინერგა სამხრეთ-  
კავკასიურ ლიტერატურაში.


ქართული მხრიდან ძირითადად  
ომისშემდგომი თაობა წარმოდგენილი.  
სულ ოთხი ავტორია — ბესო ხვედელიძე,  
თონა დოლენჯაშვილი, შოთა იათაშვილი  
და გურამ ოდიშარია. რაც შეეხება დან-  
არჩენებს, აქაც შედარებით ახალი თაობის  
მწერლები ჭარბობენ, თუმცა არც კლასი-  
კოსებია დავიწყებული. მაგალითად, აფხ-  
აზი ალექსი გოგუა, რომლის ნაწარმოებე-  
ბიც შესანიშნავი საშუალებაა იმისათვის,  
რომ გავიგოთ, როგორ ცხოვრობენ დღეს  
აფხაზები, რა აწუხებთ, რა უხარიათ. კრე-  
ბულში შევიდა კიდევ მისი ერთი მოთხრო-  
ბა — „ნისლი.“ ალექსი გოგუას გარდა თან-  
ამედროვე აფხაზურ მწერლობას კიდევ  
რამდენიმე ავტორის ტექსტებით გავცნო-  
ბით. ესენი არიან: დაურ ნაჭყებია, გუნდა  
საქანია და ნადეჟდა ვენედიქტოვა. ოს  
მწერალთაგან ალმანახში მელიტონ კაზი-  
თი, ტამერლან ტადტაევი, მილენა თედეე-  
ვა და აზა ხუჯეევა შევიდნენ. მათ გარდა  
სომეხი და აზერბაიჯანელი ავტორების  
წინამძღვრებლაც გავცნობით. შესაძლოა,  
მათი სახელები დღეს ქართველ მკითხველს  
ბევრს არაფერს ეუბნება, ისევე, როგორც

სხვა რეგიონებში ნაკლებად იცნობენ აქ  
წარმოდგენილ ქართველ ავტორებს, თუმ-  
ცა დავითოვით იმედი, რომ რამდენიმე  
წომრის შემდეგ სამხრეთკავკასიური ლიტ-  
ერატურული სივრცე ნაწილობრივ გაიხს-  
ნება და ლიტერატურა შეძლებს ქართულ-  
აფხაზურ-ოსური ურთიერთობების აღდ-  
გენაში ერთ-ერთი მთავარი როლი შეასრუ-  
ლოს.

ნიმუ კობახიძე







თანამედროვე ქართულ ლიტერატურაში ღირებულე-  
ბათა გადაფასების მეტად მნიშვნელოვანი პროცესი მიმ-  
დინარეობს, ზოგი შემოქმედი სრულ დაინყებებს ეძლევა,  
ზოგი უფრო ღრმად და ადეკვატურად წარმოჩინდება, ზოგი  
კი ძვირფასი ქვის ელვარებით გამოანათებს არყოფნის ბუ-  
რუსიდან.

ამ პროცესის, რომელიც უნდა გაგრძელდეს და გალ-  
რმავდეს, აქტიური მონაწილენი თავად ჩვენ ვართ, რადგან  
მხოლოდ დროსა და მკითხველს ხელეწიფება ყველაფერს  
თავისი სახელი დაარქვას და თავისი ადგილი მიუჩინოს.

ერთი მაგალითი ასეთი ახლებური ნაკითხვისა მეოცე  
საუკუნეში სათანადოდ ვერგაგებული და ვერდაფასებუ-  
ლი დიდი სიტყვითხელოვანის, ესაო ონიანის შემოქმედება  
გახლავთ. იგი მთელი დედოფლოური (დავესესხები ნოდარ  
ნათაძეს) დიდებულობით შემოდის ოცდამეერთე საუკუნე-  
ში და აღტაცებაში მოგყავართ თავისი მრავალგვარი და  
ღრმა პოეზიითა თუ პროზით. მან თავის დროზე თითქოს  
ინინასწარმეტყველა კიდევ ეს მობრძანება:

„ახლა თვალს მჭრის გასწორება  
საკუთარი თვალისთვის თვალის —  
ნუთუ ეს მე ვარ?  
ისევ მე ვარ?!  
ისევ მოვსულვარ!“

ჩვენ სწორედ ახლა ვუახლოვდებით მის „ნამდვილობას“  
(ეს ესმას ტერმინია) და ყოველ ჩვენგანში მისი შემოქმედე-  
ბა სწორედ ახლა ბადებს შემხვედრ იმპულსებს. მასზე საქ-  
მის ცოდნით და ტექსტის სრულად ამოკითხვის სურვილით  
წერენ არამარტო ასაკოვანი ლიტერატორები, არამედ ახ-  
ალგაზრდებიც, რომელთათვისაც იგი ახლობელი, გასაგე-  
ბი და ბევრისმთქმელია. გამოდის მისი ნიგნები, ითარგმნე-  
ბა მისი ლექსები და ესეები, საჯაროდ განიხილავენ მის შემო-  
ქმედებას... მოკლედ, ყველაფერი ხდება ისე, როგორც უნდა  
მომხდარიყო ნახევარი საუკუნის წინათ.

ნუ გაიკვირებთ ამ დაგვიანებას. ხელოვნებაში ხდება  
ასე. სხვა ქვეყნებს რომ თავი დავანებოთ, საქართველოში,  
ილია ჭავჭავაძის მოსვლამდე, ნიკოლოზ ბარათაშვილი  
ვერდაფასებული იყო. ასევე, დღესაც ადეკვატურად არაა  
შეფასებული და შესწავლილი რუსთაველის შემდეგ ყველაზე  
დიდი ქართველი მწერალი, ვაჟა-ფშაველა. ქართულმა სა-  
ზოგადოებამ თავის დროზე ვერ დააფასა ჩვენი გენიოსი  
ნიკო ფიროსმანი, მეტიც, უტაქტო კარიკატურით გული  
ატიქნეს. ვერ იყო ადეკვატურად შეფასებული თავის დროზე  
ვერც ტერენტი გრანელის პოეზია და ვერც შესანიშნავი  
კომპოზიტორი ნიკო სულხანიშვილი. ვერ გაიგეს მისმა თან-  
ამედროვე ინტელექტუალებმა ვერც ნიკო სამადაშვილის  
ღრმა და შინაგანი ტრაგიზმით აღსავსე პოეზია... უცხოეთ-  
ისკენ თუ გავიხედავთ, იქაც საკმაოდაა ასეთი გაუგე-  
ბრობანი. მხოლოდ ერთ მაგალითს შეგახსენებთ — იოჰან  
სებასტიან ბახს, რომლის შვილი, საშუალო მუსიკოსი, საკ-  
მაოდ დიდხანს უფრო პოპულარული იყო, ვიდრე მისი გე-  
ნიოსი მამა.

ყოველივე ეს მხოლოდ ერთ რამეზე მეტყველებს — ყვე-  
ლა მნიშვნელოვან მხატვრულ ტექსტს (იქნება ეს სიტყვიერი,  
ბგერითი თუ ვიზუალური) თავისი შესაბამისი აღქმელი თუ  
არ ჰყავს, იგი ადეკვატურ აღიარებას უნდა დაელოდოს.

ესმასთანაც ასე მოხდა.  
ისიც სათქმელია, რომ მაშინ სხვა დრო იყო, სხვა ქართუ-  
ლი საზოგადოება, მკითხველიც — სხვა, სხვა გემოვნებითა  
და მხატვრული ტექსტის აღქმის სხვა უნარით, სხვა ცოდ-  
ნით. მაშინ ესაო ონიანი რთულ და ელიტარულ პოეტად  
აღიქმებოდა (რაც ბევრისთვის ნაკლი იყო, ცოტასთვის —  
ღირსება), ახლა კი იგი თავისი აზროვნებით, პოეტიკით,

## კობა იმედაშვილი ესაო ონიანის დაბრუნება

სახეთა არაორდინალურობით და „გენიალური სიჯანსა-  
ლით“ (მაკა ჯოხაძის თქმისა არ იყოს) გასაგები, მისაღები  
და დიდ ხელოვნებაში მკითხველის ჩართვის ინსპირატორ-  
ია. მას თავისი მკითხველი ჰყავს — მაღალგემოვნებიანი  
და მაღალინტელექტუალური. ეს ბედნიერებაა მისთვისაც  
და ჩვენთვისაც და იმის დამამტკიცებელიც, რომ ჭეშმარი-  
ტ პოეზიას ასაკი არა აქვს, იგი იმ დროისაა, როდესაც მას  
კითხულობენ.

ესაო ონიანის შემოქმედება ათეისტურ და კოლექტიურ  
ფასეულობებზე აღზრდილი უპიროვნო მკითხველისათვის  
მიუღებელი ან, უკეთეს შემთხვევაში, გაუგებარი იყო,  
გაუგებარი იყო მისი ღვთისმოსაობაც და სამყაროს ცენ-  
ტრში პიროვნების დაყენების ფილოსოფია, მისი პოეზიის  
თემატიკა — ოჯახი და თავად მისი პოლიფონიური ტექსტე-  
ბის ფორმაც, უმეტეს შემთხვევაში, ვერლიბრით განხორ-  
ციელებული ფერადოვან სახეთა რიტმული გადაძახილით  
(ნაიკითხეთ მისი პროგრამული — „მოკლე ფიქრები სამი  
გადახვევით“ და „ისევ გადახვევა ოთხ ნაწილად“).

1970 წელს, როცა ხრუშჩოვის დროს დაწყებული კულ-  
ტურული „დათბობის“ პერიოდი დამთავრებული იყო, ესაო  
ონიანმა თარგმნა რუსული პოეზიის კლასიკოსის გავრილ  
დერჟავინის პროგრამული ლექსი „ღმერთი“, რომელიც  
მისთვისაც საკუთარი მრწამსის გამოხატულება გახლდათ  
და, რა თქმა უნდა, იგი არ დაიბეჭდა. არ გაიკვირვოთ. მა-  
შინ ვერავინ გაბედავდა ღვთის მიმართ აღვლენილი ამ და  
სხვა სიტყვების დაბეჭდვას:

„კვლავ მაპატიე ყველაფერი,  
რასაც რომ ვცოდავ,  
რომ მეშინია ტკივილების, მკირისაც ოდნავ,  
— ჩემს ქვევას მაინც რომ ასატანს ვხედავ,  
რომ ამდენ ვედრებას და ლოცვას ვეხედავ.“

ესაო ონიანმა დიდი წარმატებით გააგრძელა დიდი  
ქართველი პოეტების — რუსთაველის, გურამიშვილის,  
ილიას, აკაკის, ვაჟას, გალაკტიონის ტრადიცია და უღმერ-  
თო საზოგადოებაში ლოცვის ინტიმური აქტი საჯარო შემო-  
ქმედებით აქტად აქცია.

გასული საუკუნის სამოციან წლებში ჩვენს საზოგადოე-  
ბასა და ლიტერატურაში დაწყებული დათბობის ეპოქა მაინც  
საბჭოთა კავშირში ხდებოდა და ეკლესიათა დამანგრევე-  
ლთათვის ღმერთის ხსენებაც კი მიუღებელი იყო.

თითქოს პარადოქსია, მაგრამ მას, უცნობ ავტორს, 1966  
წელს ჟურნალ „დილაში“ იოლად დაუბეჭდეს საბავშვო  
ლექსები, მაგრამ მისავე პრობლემურ ვერლიბრსა თუ კონ-  
ვენციურ ლექსებს დაბეჭდვა არ ეღირსა. მხოლოდ 1968  
წელს „ლიტერატურული საქართველოს“ მთავარმა რედაქ-  
ტორმა, გემოვნებიანმა და გონიერმა მწერალმა რეზი  
თვარაძემ დაბეჭდა ესმას მეგობრის მიერ მიტანილი რამ-  
დენიმე ლექსი. გაზეთის ეს ნომერი მისი რედაქტორობის  
უკანასკნელი ნომერი გახლდათ. გავა წლები და რეზი  
თვარაძე ესმა ონიანის ნიგნის განხილვაზე იტყვის: „თუ ქვეყ-  
ანას საუკუნეების მანძილზე ჰყავს ასეთი აღმატებული  
სული, ეს ქვეყანა გამორჩეულია საკაცობრიო მასშტაბით!“

რატომ ითქვა ასე?  
რატომ არის, რომ მეოცე საუკუნიდან ოცდამეერთე  
საუკუნეში გადმოსული სიტყვითხელოვანი ასეთი მისაღე-  
ბი და გასაგები გახდა ყველასთვის?

დრო შეიცვალა და ჩვენ თვითონ შევიცვალეთ, თორემ  
ესაო ონიანის შემოქმედება რაც იყო, იგივე დარჩა.

2000 წელს გამოცემულ ესაო ონიანის კრებული  
(რომელიც მისმა დამ ირინე ონიანმა შეადგინა „ლექსები,  
ესეები და ნერილები“), წინასიტყვაობაში სიტყვითხე-  
ლოვნების ჩინებული მცოდნე და ქებაზე საკმაოდ ძუნწი  
ნოდარ ნათაძე აუცილებლად გასამეორებელ სიტყვებს  
წერს: „ესაო ონიანი დაბადებული იყო დედოფლად და იქ-  
ცოდა როგორც დედოფალი თავისი შემოქმედების გარ-  
იჟრაჟზე, როცა თვით მის გარდა ჯერ არავინ უწყობდა, რა  
იყო და როგორი იყო“. აქ ალბათ ფართო საზოგადოება  
იგულისხმებოდა, თორემ მისი მეგობრებისთვის, თუნდაც  
გურამ რჩეულიშვილისთვის, ოთარ იოსელიანის, ერლომ  
ახვლედიანისა და დათო ჯავახიშვილისთვის ესმა ონიანი  
მათი ფარდი იყო, მაგრამ მაშინ, როცა ყველაფერი სახ-  
ელმწიფოს ხელში იყო, მათ თავად უჭირდათ ბეჭდვა თუ  
ფილმის გადაღება.

თუ ესაო ონიანის ლექსებს ყურადღებით ნაიკითხავთ,  
ხშირად ნახავთ, რომ ბანალური ფრაზისა თუ მოვლენის  
იქით იგი შესაშური სისრულით წვდება ადამიანურ გრძნო-  
ბათა დაფარულ სიღრმეებს (დააკვირდით „დანახულ ან-  
დაზებს“), მისთვის არ არსებობს დროითა და სივრცითი  
შეზღუდვა — მითოლოგიური მოტივები, ეთნოგრაფიული  
რეალობა, ისტორიული პიროვნებანი თუ მისი კონკრეტუ-  
ლი თანამედროვენი მისთვის ადამიანურ განცდათა სიღ-  
რმისეული ხედვის გაანალიზების მიზეზსა და ბიძგს წარ-  
მოადგენენ და აქ იგი ერთნაირად წარმატებულია ვერლი-  
ბრსა თუ ტრადიციულ ლექსში.

ესმა, ბრწყინვალე პორტრეტისტი, ერთნაირი წარმატე-

ბით ხატავს ფერით და ჰქმნის სიტყვით განუმეორებელ  
პორტრეტებს და ამ პროცესში მასთან ერთად თავად მკითხ-  
ველიც მალღდება, ხდება მისი თანაავტორი, რადგან ად-  
ამიანურ გრძნობათა მთელი სპექტრით აღიქვამს ყოვე-  
ლივეს — თვალთ, ყურით, სმენით, ყნოსვით, შეხებით  
(„ხაფრას სფინქსის სიმღერა“, „შუმერთა ლოცვა აბზუსად-  
მი“, „სვანეთის ციკლიდან“, „ველასკესი“, „ფიროსმანი“,  
„ტერენტი გრანელი“, „ლუი არმსტრონგი“, ვან დერ ვეიდე-  
ნი“, „გურამ რჩეულიშვილს“) მთავარია შენ იყო თავად მზად  
ამ სიმდიდრის დანახვისათვის.

ესაო ონიანის პოეზია გამორჩეულ პიროვნებათა აპო-  
ლოგიაა და, ამდენად, თითქოს მოულოდნელია მასთან  
ლექსის ობიექტად უსახო მასის, ბრბოს, ფარის გამოჩენა  
(და აქ ალუზიაც იჩენს თავს იმ ცხვრის ფარის და იმ მწყემ-  
სის, რომელიც დაკარგულ ცხვარს ეძებს). იგი, ერთი შეხედ-  
ვით, იმდენად არის გაუცხოებული ლექსის ობიექტთან, რომ  
ამ მასას სახითაც ვერ აღიქვამს, რადგან ესაო „მოზორიალე  
და დაბნეული ზურგების ფარა“ (ზოგჯერ ჩვენც ვართ  
ხოლმე ასეთები!). პოეტი მხოლოდ „მოზორიალე“, „დაბ-  
ნეულ“ და „მოზიმზიმე ზურგებს“ ხედავს, რომლებიც  
სადაც გადაადგილდებიან და არასდროს არ გადაჰკვეთ-  
ენ მის გზას, მის წინ მიმავალ „ზურგების ტევრს“ თავისი  
გზა აქვს, პოეტს — თავისი. ეს „ზურგების ფარა“ თავისი  
„უცოდინრობით“, „დაუცველობით“ „მეუველია და გაკა-  
ყებული თავის გულგაუხსნელობაში“ (მასის რა ზუსტი დახ-  
ასიათებაა!). „ისინი“ და „ეს“ არასდროს შეხვდებიან ერთ-  
მანეთს, მაგრამ შემოქმედს რჩება მათზე და მათ გამო დიდი  
ტკივილი — „რადგან ვინც იგრძნო გაეღვებული, აყვავე-  
ბული სურნელი მიღმა, უსაკეცდება ცოდვის სიმძიმე, მის-  
თვის სიმძიმედ ბუმბულიც კმარა“.

ეს ბრწყინვალე კონვენციური ლექსია, ლეთიური თანალ-  
მობით საესე და მხატვრული უბრალოებით გამორჩეული,  
რომლის სათხოვარი ღმრთისადმი გულისშემძვრელია და  
დამაფიქრებელი:


„ცრემლები მალწრობს, გული მენვება, —  
რა გადმომეცა, რა დარდებს ფარავს,  
ჩემს წინ მიმავალ ზურგების ტევრი, —  
დაიცავ ღმერთო, მიეცი ძალა!“

ეს დიდი ლოცვაა და აუცილებელი შტრიხი ესაო ონი-  
ანის პორტრეტისათვის.

P.S.

ეს წერილი რედაქციისათვის გამზადებული მქონდა,  
როდესაც გამოვიდა ესაო ონიანის მორიგი ნიგნი — „ძველი  
რეველებიდან“ (მაღლობა გამომცემლობა „ინტელექტს“!),  
რითაც კიდევ ერთხელ და საჩინოდ დადასტურდა, რომ ესმა  
ონიანის პროზა — ესეები, ჩანაწერები, პორტრეტები, შე-  
ფასებანი, პოლემიკა, ცალკეული ფრაზები თუ დაკვირვე-  
ბანი მისი პოეზიიდან განცალკევებულადაც კი დღესაც  
რჩება მეტად მნიშვნელოვან ლიტერატურულ ფაქტად, სა-  
დაც ავტორი წარმოგვიდგება ღრმად ერუდირებულ შემო-  
ქმედად. მისი სიტყვები ბევრ რამეზე დაგვაფიქრებს.

ამ ტექსტების ცალკე ნიგნად დაბეჭდვამ უფრო  
გამოკვეთა მათი დამოუკიდებელი ღირსებანი, იგი  
თვალსმიერად გვაგრძნობინებს მათ „ნამდვილობას“, მათ  
ხიბლს და მათი ავტორის განუმეორებელ აურას. დარწმუ-  
ნებული ვარ ირონიითა და თვითირონიით გაჯერებული ეს  
ტექსტები საგანგებო მსჯელობის საგნად იქცევა და მათზე  
არაერთი წერილი დაიბეჭდება, მაგრამ ეს მეგრე, აქ და ახლა  
კი წერტილი უნდა დავსვა და სჯობს მარტო დაგტოვოთ ამ  
დიდ შემოქმედთან, რადგან მწერლისა და მკითხველის  
ურთიერთობაში მესამე პირი ზედმეტია.



**ლიტერატურული გაზეთი**  
გამოდის საქართველოს კულტურისა და ძეგლთა  
დაცვის სამინისტროს ფინანსური მხარდაჭერით  
რედაქტორი ირაკლი ჯავახიძე  
რედაქტორის მოადგილე უჩა შერაზადიშვილი  
ჟურნალისტიკები ხათუნა ალხაზიშვილი, ნანა კობაიძე, თამარ ყურული  
ტელ.: 2292196; მობ. ტელ.: (577)742277; (599)269852; e-mail: litgazeti@yahoo.com